

Tanieri

Tanieri Wawiruniya kemitiuyeikakai

¹ Merikitsi hairieka wiyari ti'aitame Kuhatsimi ti'aitakaku Kura kwieyaritsie, Nawukurunutsuxi Wawiruniyatsie ti'aitame, Kerutsareme kwieyaritsie nuaka kanikurarutiya.

² Ti'aitame muyuawitsie makawe, Nawukurunutsuxi kaniupitiani Kuhatsimi ma'iwaki meta miwiyaki. He'iwaka, Kakaiyari tukieyata timieme piinite katinepinita yatipaimeme, Nawukurunutsuxi Wawiruniyatsie katinetini, mana yukakaiyarixi watukita katineutapini.

³ Hiki ti'aitame, 'Atsipenatsi katiniuta'aitiani te'uximayatamete wa'ukiyari hipame 'ixaherit-sixi hixiena miwaranuwitiniki te'aitamete wanuiwari hetsiememete meta teiteri wa'ukiyarima memihikitikai waniwema.

⁴ Temari mepihikitinikekai 'aixia memiteyuxexeiya meta yuwaiyaritsie mekatekukuyeme, naime memitehetimaniki meyiawaweme, metemaiwaweme meta paratsiyuta meteheuta'uximayatawaweme, miki 'Atsipenatsi pitiwati'ikitianikekai wawiruniyutsixi waniukiki meta wa'utiarikaki.

⁵ Ti'aitame tukariki 'ikwai meta winu kaniwaye-tuiwakaitini yumexatsie mieme. Mete'ikitarieti haika wiyari mekateneuterekekaitini, 'anake ti'aitame hixie mekatেনita'uximayatakekaitini.

6 Miki temari wahamatia mekanaye'ukaitini Tanieri, 'Ananiyaxi, Mitsaheri meta 'Atsariyaxi Kura kwieyaritsie kiekatari,

7 miki te'uximayatamete wa'ukiyari kememitetetewakai kaniwarupatsirieni: Tanieri Werititsatsaxi katiniuteriwa, 'Ananiyaxi Tsatiraki katiniuteriwa, Mitsaheri Metsaki katiniuteriwa meta 'Atsariyaxi 'Awerineku katiniuteriwa.

8 Matsi Tanieri pikayuwairi 'ikwaiki ka'itiyati mayuyeitiani meta ti'aitame winuyaki, 'ayumieme te'uximayatamete wa'ukiyari kaniutawawirieni wairiyarika meka'itiyakame mikawarayeitiwaniki.

9 Tsepaneti Kakaiyari 'aixia mitiuyuriekai Tanieri hepaitsita, te'uximayatamete wa'ukiyari 'aixia mitixeyaki,

10 miki mipai miti'aitiariekaiki Tanieri mipai katiniuta'eiya: «Neti'aitiwame nepeumakaxe, mikitsi katiniuta'aita 'iki 'ikwai xemikwakaki meta 'iki kaxie winuyari xemi'iekaki. Xika ti'aitame kwinimieme petiwakime matsi'uxeiya, kehipati temari 'ahepai memiyumate, 'ekitsi 'ahetsiemieme nekananutiwitekiemiki».

11 Te'uximayatamete wa'ukiyari xeime tihiweme kaniuhiritiani Tanieri, 'Ananiyaxi, Mitsaheri, meta 'Atsariyaxi miwaxeivaniki. Hiki Tanieri miki tihiweme hamatia katiniutixata mipai katinitahiawe:

12 «Neuxei ximixi nekamaniwawirieka, tame te'a'uximayatsiriwamete pepitatsita'iniata tamamata tukari. Hatsite xeikia ketatinemikwani meta haa xeikia ketaneharitiaka.

13 Mipai paimexia tukari 'anukayayu, ketaneuxeiya ketaneu'iniata 'iya temari 'ikwai 'aixia mi'ane

memukwa'a wahamatia, 'ana kepemitatixeiya yapekanitayimiki».

¹⁴ Tihiweme yakatiniutanaki'erieni kemititahawixi meta tamamata tukari kaniwaruta'iniata.

¹⁵ Haye'aku kepauka miwarutipiniriekai, 'iki temari 'aixia mekateniyuxexeyakaitini 'aixia memitekwaka hepai, keyuri hipati 'aixia ti'aneame memite'utikwa'akai.

¹⁶ Hiki tihiweme 'ikwairi pikawarumi meta ti'aitame winuya, matsi hatsiteki xeikari katini-wamikwakaitini.

¹⁷ 'Iki temari yunaukat, Kakaiyari memitemaiwaweniki kaniwarupitiani naime 'ikitsika memetimaniki 'utiarika meta teriwarika. Matsi Tanieri kaniyiwekaitini meiti'enietiyani heinitsika meta yiki xikatiunieritiani.

¹⁸ Kepauka maye'a ti'aitame Nawukurunut-suxi kemutayi kemitiu'aitakai, te'uximayatamete wa'ukiyari hixiena kaniwa'atiani.

¹⁹ Mana ti'aitame Tanieri, 'Ananiyaxi, Mitsa-heri, 'Atsariyaxi wahamatia tiutixataka, tawarita nixeime pika'utaxei wahepai 'aneme, 'ayumieme miki yunaukat hetsiana mekateniuta'uximayata.

²⁰ Ti'aitame kaniwaruti'iwawiya naime kememitemaiwawekai meta wa'iniataneti wahetsie kanikaxeiya tamamata mexia matsi kwinimieme mekatenimaiwawekaitini keyuri yunaiti memitemaiwawe meta memiteyukewaiya mira'aitatsie memuxuawekai.

²¹ Mipai tiuyiku Tanieri Wawiruniyatsie kani-uyuhayewa 'atsita Tsiru ti'aitakaku mexiakame wiyari.

2

Ti'aitame Nawukurunutsuxi heinitsikaya

¹ Hutarieka wiyaritsie ti'aitati, Nawukurunutsuxi yapaimexia katiniuheinini, mikiki waikawameki kaniyu'iyaritiakaitini meukuni pika'ipitiakai.

² Hiki katiniuta'aita temaiwawemete, mara'akate, memitehetimamateke meta muyuawitsie timieme memiteyi'ikitia memiyukuxeirieniki mira'aitatsie memitamakai, kemitiuheinikai memite'itaxatianiki. 'Ariri meyuxeiriekaku ti'aitame hixie,

³ miki mipai katiniwarutahiawe:

—Ne nepitiuheini waikawa pinetsi'iyarimitsitia meta ne nepitimaimeki kehepaititi mitiniumiki.

⁴ Muyuawitsie timieme memiteyi'ikitia mipai mekatenita'eiya:

—'Eki ti'aitame 'aheyemeki peke'ayeniereni. 'Ena tekaniu'uwani temimate'uximayatsirie. 'Aheinitsika ketaneutaxatia, tameta kehepaititi manuyine tekanitahekiatakuni.

⁵ Peru Ti'aitame mipai katiniwarutahiawe:

—Neri 'ari yanekaniutayini: Xika kenemitiuheini xekanetsi'utaxatiani meta kehepaititi mitiniumiki, ne nekatinita'aitamiki xemitiwitekiexianiki meta xekiite naxi mayeitiarieniki.

⁶ Matsi xika kenemitiuheini xenetsi'utaxatiani meta xika xenetsi'utahekiatiani kehepaititi maniyine, ne waikawa 'imikierite nekatinita'aitamiki mariweme xemayeitiariwaniki. 'Ayumieme hikiri xekenetsutika kenemitiuheini xenetsikuxaxatiwati,

manatari xekanenitahekiatiakuni kehepaititi manuyine.

⁷ Muyuawitsie timiemeki memiteyi'ikitia mipai mekaniutiyuani:

—Matsi xika 'Eki ti'aitame tame te'uximayatamete 'ahetsia miemete petatiu-taxatiani kepemitiuheini, tame kehepaititi manuyine tekanitahekiatakuni.

⁸ Ti'aitame matsi mipai katiniwaruta'eiya:

—Neri kenemitiyurieni 'ari yanekaniutayini. Xemeri miki xekatenimaika, 'ayumieme xekanenikwewieka.

⁹ Xika kenemitiuheini xekanetsi'utaxatiani, xekatenimaika ketita mixetitakwewie. Xeme xekaniyu'enieni xeminete'itaiyaki meta 'axa'aneme xeminetsitaxatianiki. Xekeneneu-taxatia kenemitiuheini, 'ana mipai nepiretimani kename xeyiwawe xeminetsitahekiatianiki kehepaititi manuyine.

¹⁰ Hiki muyuawitsie timiemeki memiteyi'ikitia mipai mekatenita'eiya:

—Nixewiti tima 'ena kwiepa pika'uyeika 'Eki ti'aitame kepemaine yamitiyurieniki. Hatsuaku ti'aitame xewiti mipai pikarahiaweni xeime mitimaiwe, tiyukewaiyame yatini muyuawitsie timiemeki memiteyi'ikitia.

¹¹ 'Eki ti'aitame kepemitiwawirie pikayawe, nixewiti pikayawekaxiani mimatsitahekiatiani, hirixia kakaiyarixi. Peru miki tahamatia mepika'u'uwa.

¹² Ti'aitame waikawameki kaniuyeha'ani muyuawitsie timiemeki memiteyi'ikitia waniukiki kememite'itahiawekai, katiniuta'aita

temaiwawemete yunaiti Wawiruniyatsie
memitamakai memikwi'iwaki.

¹³ Hiki xapa kaneutani'ariexiani temai-
wawemete yunaiti memikwi'iwaki, yaxeikiata
Tanieri mitiwawieniki katiniuta'aita meta
'iwamama yunaiti memikwi'iwaki.

¹⁴ Kepauka ti'aitame kuyaximama
tiwa'aitiwame 'Arihuki mititewakai, mayetia
temaiwawete wawiruniyatari wakwinike,
Tanieri kanitahiaawe waikawa timaiwemeki.

¹⁵ Mipai katinitahiaawe: «¿Titayarikuta ti'aitame
tiuta'aitaxi temaiwamete memikwi'iyani?»
'Arihuki matsi katinitaxatiani ketitayari miya
mitiuyuriekai,

¹⁶ Tanieri ti'aitame hetsia kaneyani,
neitawawirieni mikwewieniki para heinitsikaya
mitahekiatirieniki.

¹⁷ 'Ariketa yukiita kaninuani meta yuhamikuma
katiniwarutaxatiani 'Ananiyaxi, Mitsaheri meta
'Atsariyaxi kehepaititi mitiyianekai.

¹⁸ 'Ana kaniwarutawawirieni Kakaiyari
memitawawirieniki muwatinenimayataki
meta heinitsika miwatahekiatianiki, miki meta
hamikumama wawiruniyatari temaiwawemete
wahamatia memikakukwikwiwaniki.

¹⁹ Tikariki, Tanieri kaniuxeitsitarieni
kehepaititi mitiniumiki heinitsika. Hiki Kakaiyari
'aixia katiniutahiaawe muyuawitsie makawe

²⁰ mipai kaniutayini:
«'Aixia kerahawariwani yuheyemeki Kakaiyari
kemititewa.
Kemitimaiweni meta tirikariya hetsiana
pimieme.

²¹ Miki tukari pukupata naime kemitiyeyixime,

pɪwaranuka'uitɪwa pɪwaranakaxɪriwa
te'aitamete.

Temaiwawemete memɪtemaiwaweniki pɪwapitia.

Kwinie memɪteheutamaiwawe, memei-
maitɪkikaniki pɪwapitia.

²² Miki meukatewatsie timieme pitihekiata meta
tita mɪti'awieti,

yapɪtimate tita 'etɪripa mɪti'awietsie.

Hetsiena hekɪariya pɪyeka.

²³ 'Eki, ne'ukiyarima wakakɪari,

nepɪmatsiniawa meta pamɪpariyutsi
nepɪmatsipitia.

Nemɪtimaiweniki pepɪnetsi'upitia meta tirɪkariya,
pepɪnetsi'utahekiatia tita temɪmate'utawawiri,
pepɪnetsi'utahekiatia ti'aitame heinɪtsikaya».

Tanieri

ti'aitame

heinɪtsikaya

kemɪtiutahekiataxi

²⁴ Hiki Tanieri 'Arihuki hetsia kaneyani,
ti'aitame mɪtita'aitakai temaiwawemete
muwakwiniki Wawiruniyatsie memɪtama, mɪpai
katinitahiawe:

—Temaiwawete Wawiruniya kiekatari
pepɪkawakukukuyani. Ti'aitame hixie kene-
nanuwitiki, kemɪtiuheini nekaneitahekiatiamiki.

²⁵ Yapauka 'Arihuki Tanieri kanewitini ti'aitame
hixie, mɪpai katinitahiawe:

—Kura kwieyaritsie memeyehapanie watsata
xeime neputaxei yɪweme 'Eki ti'aitame
'aheinɪtsika mɪtahekiataki.

²⁶ Ti'aitame Tanieri kaniuta'iwawiya,
wawiruniyatari Werititsatsaxi mekatē-
iteriwakaitini:

—¿Penetiutaxatiawe neheinɪtsita tita nemɪtiuxei
meta kehepaititi manuyine?

27 Tanieri mīpai katinita'eiya:

—Xewiti 'ena timaiweti pumawe, mītiyukewaiya, muyuawitsie timieme mītiyu'ikitia meta mīretimamateke, 'Eki ti'aitame titaki pemītiyu'iyaritia mīmatsitahekiatiani.

28 Matsi xewiti Kakaiyari 'akaniuyeikani mītihekiatawe tita mīti'awietsie. Miki Kakaiyari kametiniutahekiatiani kemītiyini tukarite 'umahutsie. Mīpai pekatiniuheinini meta mīpai pekatiniuniere 'iki 'amu'utsie katiniye'ani mexi pekutsukai:

29 Muwa pemukahuputsie pekakaiti, 'eki ti'aitame tukarite 'umahutsie pepītiuti'erietiya, tita mīti'awietsie mītihekiatawe kametiniuxeit-sitiani kemītiyini.

30 Neta neputahekiatsitiyarie, ne kwinimieme nemītimaiweki keyuri kwiepa yunaiti memītama pikati'ane, matsi pita 'Eki ti'aitame pemīretimaniki kehepaititi pemītiunierixi.

31 »'Eki ti'aitame 'aheinitsita tewi pepīxeiyakai wewiyakame kwinimieme 'utewime xawatime, pumariwekarekai xika 'ixeiya.

32 Tewi 'ikiyari mu'uya huru xeikia kanihikitikaitini, tawieya meta mamateya pīrata xeikia pihikitikai, hukaya meta teuriteya wurunitse xeikia kanihikitikaitini,

33 'ikateya tepia kanihikitikaitini, yaxeikiata tepia pihikitikai ketateya hixiapa'ati, tapata hixiapa'ati haxu taiyarieti kanihikitikaitini.

34 Yapauka 'Eki ti'aitame mexi 'akuxi pe'ixeiyakai, muwa tete kanayeneni nixewiti muwa kahetahiaku, tewi 'ikiyari 'ikayatsie

kaniukaweni tepia meta haxu mihikitikai, 'etsipepeti kaneutanexiani.

³⁵ Naiti miki tepia meta haxu tumuanari kanayani meta wurunitse, pirata metatsiere huru. Tewi 'ikiyari naiti tumuanari kanayani, kepauka tiriku mutikatsiwatsie manuye'eke hepai. 'Eka kaniukuyani tewi 'ikiyari naime kane'enitsitiani, nitixaati pikatiyuhayewaxi. Peru tete tewi 'ikiyari hetsie mukawe hiri kanayani mariwetu kwie naime kanakuhiniya.

³⁶ »Mipai 'Eki ti'aitame pekatiniuheinini meta mipaita katini'iniariyaritini:

³⁷ 'Eki ti'aitame te'aitamete watsata pekatini'aitametini, Kakaiyari muyuawitsie makawe mipai kametiniupitiani pemitu'aitaniki, meta tirikariya pimetsi'upitia meta pemimariweniki.

³⁸ Meta matsi, 'Eki ti'aitame yunaime teiteri kwiepa memu'uwa kameniyetuirieni, yeutari meta muyuawitsie memite'uwitikika. Tsepa hakewa meme'uwa, Kakaiyari kameniupitiani yunaime miki pemituwa'aitiwametiniki. 'Eki ti'aitame, miki mu'u huruki miwewiya 'eki pekanihikitini.

³⁹ »'Eki ti'aitame, 'a'utima nanukakemiki xewiti 'etsiwa xeikia mariwetu. Manata hairieka mieme ti'aitame 'ukanamieni manukakeni, miki wurunitse tepiyari kanihikitikamiki, meta kwie kemiyewa naimetsie katinita'aitamiki.

⁴⁰ 'Imatirieka, naurieka mieme ti'aitame xewiti 'ukanamieni, tepia hepai tse'iti. Tepia mitititsana naime hepai, mititimura meta tumuanari mirayeitiwa, 'iki naurieka mieme

ti'aitame tumuanari hipame te'aitamete
kaniwarayeitiamiki.

⁴¹ »Eki ti'aitame mipai pepitinierekai tewi
'ikiyari 'ikateya 'itiwameteya hixiata 'ati
pitepiatikai meta hixiapa 'ati pihaxutikai
taiyarieti. Tepia meta haxu yinikame 'eki
ti'aitame kepemitiuxei, 'iki kani'iniariyaritini
'iki mitita'aitatsie teiteri mepayehutani, tsepaneti
tepia tirikariyaya mexeiyani.

⁴² Yaxeikiata 'itiwameteya 'etsimipepe hixiapa
'ati mitepiatikai meta hixiapa 'ati mihaxutikai, 'iki
ti'aitame xeitapari tirikaiyeti payani, xeitaparita
weraniti.

⁴³ 'Eki ti'aitame yunikame tepia meta haxu pe-
muxei, miki hutati mikayiniwe. Mipaita pitiyini,
teiteri mepanuyutinini meyuxewiti mepika'akine.

⁴⁴ »Miki te'aitamete memanuka'ukatsie,
Kakaiyari muyuawitsie makawe xeime
ti'aitame nanukakemiki miki hatsuaku tima
pikaka'unarieni meta xeime kiekaritsie
pikayetuiyani, matsi yuheyemeki 'akaniuwemiki
xeikia meta 'iki te'aitamete yunaime
kaniwareuyehiamiki.

⁴⁵ Mipai kananuyineni kepemitiuheini
tete xeime hiritisie meyetia, tete nixewiti
ka'iparewieku, tepia tumuanari kemirayeitia
meta wurunitse, haxu, pirata metatsiere huru.
Kakaiyari mimariwe kametiniutahekiatiani
kemitiyini 'uxa'atini warie. 'Iki heinitsika
kaniyuritini, meta kenemitihekiataxi
kaniyuritini».

⁴⁶ Ti'aitame Nawukurunutsuxi 'u'enaka
Tanieri hixie kaniutihiximakeni waikawa

kanitemawieritiani, katiniuta'aita mawari
mīyetuiriarieniki meta 'ikwa witsimu'ia,

⁴⁷ mipaita katinitahiawe:

—'Akakaiyari kakaiyarixi wakakaiyari pihiki
meta te'aitamete mitiwa'aita pihiki. 'Akakaiyari
naime pitihekiatawe, pemuyiwekaxiaki
peminetsitahekiatiani 'iki heinitsika
mikayumainiakai mi'awietsiekai.

⁴⁸ Hiki ti'aitame Tanieri kananukakeni
mariwemetsie, meta waikawa 'imikierite
katiniyetuiriēni, kuwexinaruriki kanenukakeni
naime wawiruniya kwieyaritsie 'aurie
mamanetikatsie meta yunaime temaiwawemete
wa'ukiyari kaneyeitiani.

⁴⁹ Yaxeikiata, Tanieri ya'utayiku, ti'aitame
kaniwaranayexeiya Tsatiraki, Metsaki meta
'Awenekuxi, Wawiruniya 'aurie mamanetikatsie
memite'aitaniki. Tanieri manari kaniyuhayewa
ti'aitame paratsiyuyata.

3

Huxunu manutata'a

¹ Merikitsi ti'aitame Nawukurunutsuxi tewi
'ikiyari huruki mitawewiyaniki katiniuta'aita,
xeitewiyari heimana 'atahuta meturuyari
'utewime meta huta meturuyari heimana
'imeriyu 'atayeukame, makuweritsie Rura
mirakutewatsie Wawiruniya mirawiyatsie
mitakerieniki katiniuta'aita.

² Hiki mipaita katiniwaruta'aitiani ti'aitame
yuparewiwamete 'auriena memuti'u, kuyaxi
wa'ukiyarima, kuwexinaruritsixi, 'ixatsitamete,
tumini hiwemete, 'itsikate, te'ikitamete meta

yunaimete te'uximayatamete kwie mamananetĩkatsie kiekatari, memayenexianiki 'ikiya muyetuiyanit-sie mita'aitakai mutawewiyakai.

³ Miki 'ixiarari memiwewieniki, ti'aitame 'aurie memuti'u, kuyaxi wa'ukiyarima, kuwexinaruritsixi, 'ixatsitamete, tumini hĩwemete, 'itsikate, te'ikitamete meta yunaiti te'uximayatamete kwie mamananetĩkatsie kiekatari 'ikiya mutawewiya hixie mekaniuyukuxeirieni.

⁴ Hiki niukamete mipai mekateniuihiwa: «Xeme teĩteri, nuiwarite yunaiti meta tsepa kexemite'uniuka, mipai xekateni'aitiarieka:

⁵ Kepauka kuxinetate, kirautate, kanarite, xawerite meta hipati kanarite 'ayuaneme xemi'enieni, ti'aitame Nawukurunutsuxi mita'ai 'ikiya huruki miwewiya hixie xekanikahixima'uikuni.

⁶ Kemi'ane hixiena mika'akatutsita meta mikakatunumakeni yapauka miki huxunuta miwatita'atsie kaneukahiyamiki».

⁷ Ayumieme, kepauka yuariyate mekayua miki naiti kanariteki, teĩteri yunaiti, nuiwarite meta naimeki memutiniuka, ti'aitame Nawukurunutsuxi 'ikiya huruki miwewiya muta'ai hixie mekaniutihixima'uni.

⁸ Peru hipati matsi muyuawitsie timiemeki memiteyi'ikitia ti'aitame hetsia mekaniu'axiani huriyutsixi mekaniwarutaxaneta.

⁹ Mipai mekaniutiyuani:

—'Eki ti'aitame yuheyemeki peke'ayeniereni.

¹⁰ 'Eki 'aitsika pekaniutawewieni mipai peti'aitati, yunaiti kepauka memi'enieni kuxinetate, pirikixate, kanarite, xawerite meta hipame

kanarite, wayuariya memi'enieni miki 'ikiya huruki miwewiya hixie meke'anakatutsitaxiani meta meke'utitunuma'uni.

¹¹ Yaxeikiata mipai pekatiniuta'aita kemi'ane 'ikiya miwewiya hixie mika'akatutsita meta mika'utitunumakeni miki huxunu miwatita'ata kaneukahiyamiki.

¹² Hipati matsi huriyutsixi mepaye'u, ti'aitame pemīwaranayexei Wawiruniya kwieyari pemīwaruhiritia, 'a'aitsika mepika'enie. 'Eki ti'aitame 'akakaiyarixi mepikawarayexeiya meta 'ikiya huruki miwewiya pemuta'ai. Tsatiraki, Metsaki meta 'Awenekuxi tekaniwaxatani.

¹³ Nawukurunutsuxi waikawameki ha'ati katiniwarutani'airieni. Kepauka miki temari ti'aitame hixie memu'axia,

¹⁴ Nawukurunutsuxi mipai katiniwarutahiawe:

—ǂTiyuri waniu yuhaikati xeme nekakaiyarixi xekatewarayexeiya meta 'ikiya huruki miwewiya nemuta'ai hixie xekate'ukatunuma'uwe?

¹⁵ Hiki kepauka kanarite yuariyaya xemi'enieni, 'ikiya nemuta'ai hixie xekenanakatutsitaxia meta hixiena xekeneutitunuma'uti. Mexika mipai xika xeka'uyini, yapauka huxunu miwatita'atsie xekaneukaxiriyakuni, 'ana pikayiwekaxiani xewiti kakaiyari mixetawikweitsitiani kenemixeyurieni.

¹⁶ Tsatiraki, Metsaki meta 'Awenekuxi, Nawukurunutsuxi mipai mekateniuta'eiya:

—Pikaheuyewetse 'Eki ti'aitame 'ahixie tahetsie temitanuani.

¹⁷ Xika huxunuta miwatita'atsie
teheukaxiriyani, Kakaiyari temeyexeiya

kaniyiwēni mītatsitawikweitsitiani huxunuta
meta 'Eki ti'aitame 'ahetsie.

¹⁸ Yati takakaiyari tsepa mipai mikatiuyuri, 'eki
mipai ketinemaika tame hatsuaku 'akakaiyarixi
wahixie tepikakahixima'uni meta yaxeikia 'ikiya
pemuta'ai hixie tepikakatunuma'uni.

¹⁹ Tsatiraki, Metsaki meta 'Awenekuxi,
Nawukurunutsuxi waru'enieka kememutiyua
matsi waikawa kaniuyeha'ani, yunierika
kaniupata wahepaitsita mieme. Hiki katini-
uta'aia huxunu 'atahutamexia mītaxiriyarieniki
kememikate'itaxiriyakai,

²⁰ meta hipati kuyaxi waikawa memitirikawi
miki yuhaikame temari memiwatihianiki meta
huxunu muwatita'atsie memiwareukaxirieniki.

²¹ Mipai mekateniwareukaxirieni huxunuta
meheu'ixurikimatikaime, yukakaitsie
meheu'utikaime, meyakumu'ututikaime meta
naime, tatsiari kememiteheukemaritikatei.

²² Yapauka ti'aitame kemitiuta'ai yakatiniuyini,
kwinimieme katinixikakaitini huxunu, tai
kaniwaru'axe meta kaniwarukwini kuyaxi
kemi'ane muwa Tsatiraki, Metsaki meta
'Awenekuxi memiwareukaxiri,

²³ miki yi'ikatetsie meta yumamatetsie
mehiatikaiti, huxunu muwatita'atsie
mekaneukaxiriyani.

²⁴ 'Ana kwitiwa Nawukurunutsuxi
kananukukeni, hiki hixiyati 'ixatsitamete yuhetsia
miemete mipai katiniwaruta'iwawiya:

—ǂTami teiteri mekatyuhaikakai
temiwarutihia meta taipa temiwareukaxiri?

Miki mipai mekatenita'eiya:

—Huu mipai pi'ane 'Eki ti'aitame.

²⁵ Mipai katiniuhiwa:

—Peru neuxei xekeneunenieri. Mana taipa yu-naukame teiteri nepuwaxeiya mana mepiye'uwa, mekahiatikaiti meta mekate'uka'eniwati, matsi naurieka mieme kakaiyari hepai pitiyuxexeiya.

²⁶ Mipai 'utayika, Nawukurunutsuxi hurawa kaniuyani huxunu mita'a kitenieyaritsie meta mipai katiniuhiwa:

—Tsatiraki, Metsaki meta 'Awenekuxi, Kakaiyari 'Amutewi te'uximayatsiriwamete, muwa xekengewekini, 'ena xekenakini.

Kepauka temari yuhaikati huxunuta memiwayeki,

²⁷ ti'aitame 'aurie memuti'u, kuyaxi wa'ukiyarima meta 'ixatsitamete ti'aitame hetsia miemete wawarita mekanaketikine, mekani-waruxeiya tai tima pikatiwarutikwinitiakai, nixewiti tima wakipa pikata'ikai, meta matsi wa'ixurikite pikatata'ikai meta nitima pika'ukitsi'iatikatei.

²⁸ 'Ayumieme Nawukurunutsuxi mipai kaniutayini: «'Aixia kerahiawariwani 'iki yuhaikati temari wakakaiyari, yuniuki tuayame meyen'a miwarutawikweitsitia. Miki yuri mepite'eriekai hetsiena, kenemituu'aitakai yuri mekate'erietu, mikiriya hetsie mepuyuyetua, xeime kakaiyari hixie mekatunuma'uikuti mikawakakaiyari.

²⁹ 'Ayumieme, ne mipai nepiti'aita, keheutiwitekiexiani kemi'ane Tsatiraki, Metsaki meta 'Awenekuxi wakakaiyari hepaitita 'axamutayini, kiiya ke'utataiyarieni naxi kehayani, tsepa kemi'ane nuiwaritsie mumieme

meta tsepa kemitiuniuka. Tawari xewiti Kakaiyari pumawe mipai tiyuwikweitsitiwati».

³⁰ Mipai tiuyiku ti'aitame kaniwaranuka'uitiani Tsatiraki, Metsaki meta 'Awenekuxi 'uximay-atsika waikawa meuyewetsetsie Wawiruniya kwieyaritsie.

4

Nawukurunutsuxi 'iteiri 'atiwekame kemitiuxei yuheinitsita

¹ Ti'aitame Nawukurunutsuxi,

teiteri yunaiti meta nuiwarite 'ena kwiepa memitama, meta yunaiti yuniukiki xemutiniuka:

Yunaiti 'aixia 'anemeki xekeneu'uwani.

² Ne nepinewairiya nemixetaxatianiki xemeitimaniki 'iniari meta mariwemekiki kemitiyuriene nehetsiemieme Kakaiyari 'Amutewi.

³ Waikawa 'iniarieya pimamariwawe. Waikawamekiki pitiyuhixiyatsitiwa mariwemekiki kemitiyuriene. Mira'aita kaheu'akamekiki piti'aita. Kemiti'itsikame tukari miyehane miki 'apuwe.

⁴ Ne, Nawukurunutsuxi, neparatsiyuta nenayekateitini, nenetemawieti meta waikawa nerexeyati,

⁵ kepauka nemitiuheini waikawa pinetsi'utimariu. Nemuwakahuputsie nekakaiti, kenemitiunierixi waikawa 'axanetiku'eriwame pinetsi'ayeitia.

6 Hiki nekatiniuta'aita yunaiti
temaiwawemete Wawiruniyatari
nehixie memi'axianiki neheinitsi
meminetsitahekiatiani.

7 Kepauka temaiwawemete, mara'akate,
muyuawitsie timiemeki memiteyi'ikitia
meta memitemaiwawe memu'axia,
kenemitiuheini nekaniwarutaxatiani matsi miki
mepika'uyiwekaxia memitahekiataki.

8 'Imatirieka Tanieri, nekakaiyari
hetsiemieme Werititsatsaxi mititewa, nehixie
kaniutakeni nekanitaxatiani kenemitiuheini,
mikitsi kakaiyarixi memipatsie wa'iyari
kanexeiyani yuhetsie.

9 Ne mipai nekatinitahiawe: «Werititsatsaxi,
temaiwawemete wa'ukiyari, ne mipai
nepitimate 'ahetsie kakaiyarixi memipatsie
wa'iyari piyeka meta 'ahepaitsita pikakwaniwe
pemitahekiata tita miranukaname.
Kenemitiuheini nekamanitaxatiamiki, 'eki
pekanenitahekiatiamiki kehepaititi manuyine.

10 Mipai nekatiniuniere ne'utatsie mexi
ne'uxipiekai: 'Iteiri kwinimieme 'utewime
nekaniuxeiya, kwie hixiapa 'uwekame.

11 'Iteiri kaniutawere meta tirikaiyeti
kanayani, kitsitana miemeyari muyuawi
kanikuyuitiwakaitini, kwiepa 'uyeikati tsepa
hakewa mixeiya kaniyiwekaitini 'amutewikaiki.

12 Xawariteya witsikani'anenekaitini
meta 'ikwaxi kwinie katinixuaweriyakaitini,
yunaiti kwiepa memitetama yu'ikwai mekate-
niukaxexeyakaitini hetsiena. 'Atsita yeutari
hetiana mekaniuti'etipiwekaitini meta wikixi

mamateyatsie yu'itua mekaniwewietiwekaitini. Miki 'iteiri yunaime memite'ayeyuyuri katiniwamikwakaitini.

¹³ »Metatsiere neheinitsita, niuki tuayame mipatsie nekaniuxeiya mexi ne'utatsie ne'uxipiekai nehixie muyuawitsie 'akamieme,

¹⁴ meta mipai kanetiniuhiwiwakaitini karima: “Iteiri kenahiwa meta mamateya kenawitexia, xawariteya keneukapini meta 'ikwaxiyari keneutaxiri. Yaketineuyuri yeutari memiyuta'unaxianiki hetiana me'etipieti meta wikixi yu'itua memiku'eirixianiki.

¹⁵ Peru kutsunuyari meta nanayari keneuhayewa, tepiaki meta wurunitseki keneuhia tupiriyatsata keneuhayewa. Kanitihawiyamiki haitsi muyuawitsie makaneika, meta yeutari wahamatia ke'uyuhayewa 'ixa yeuta mieme tsata.

¹⁶ Tewi 'iyarieya mexeiya ke'uyupata, yeutanaka mitiyukihawe hepai pita ke'uyini, 'atahuta wiyari ke'uyurieni”.

¹⁷ »Niuki tuayamete memipatsie yameka-niutiyuani kemitikwinitiarieni, yunaiti kwiepa memitama mipai memitehetimaniki kename Kakaiyari 'Amutewi 'itsikame hiki yunaime te'aitamete kwiepa memitama wahetsie, miki piyiwe ti'aitame meyeitiani kemi'ane manayexeiya, meta 'atsita tixaiti memikatehayuyeitia piwaranuka'uitiwa memiteta'aitaki teiteri wahetsie.

¹⁸ »Ne, Nawukurunutsuxi, mipai nekatiniuheinini. Hikita 'eki, Werititsatsaxi, kenetineutaxatia kehepaititi miti'iniariyari, 'iki nixewiti mitimaiwe nemira'aitatsie

kiekame pikanetsi'utahekiatia. Peru 'eki pekaniiweni, kakaiyarixi waiyari mipatsie 'ahetsie miyekaki».

Tanieri ti'aitame heinitsikaya kemitiutahekiataxi

¹⁹ Tanieri, yaxeikiata Werititsatsaxi memite'iteriwakai, yakatineutere ka'utaniuti, waikawa kanimakaitini yuhaweti, 'ayumieme ti'aitame mipai katinitahiawe:

—Werititsatsaxi, pepikayu'iyaritiaka miki heinitsiki, keneneutahekiatia kehepaititi manuyine.

Hiki Tanieri kanita'eiya:

—Ne mipai nepitiku'eriwakaku 'Eki ti'aitame memimetsi'aye'unie wahetsiemieme pihikitinikeyu.

²⁰ 'Eki ti'aitame 'iteiri pemuxei kwinimieme 'utewime mariweme meta tse'ime, muyuawit-siepai ye'akame, naitsarie kwiepa mihekiakai.

²¹ Miki 'iteiri xawarieya witsimi'anenekai meta 'ikwaxi waikawa mexeiyakai, meta yunaima kwiepa memitama mitiwamikwakai, hetiana yeutari memiti'etipiwakai meta wikixi muyuawitsie memu'uwa mamateyatsie memiyu'ituatiakai.

²² Miki 'iteiri 'Eki ti'aitame pekanihikiti, petirikaimeyeme pema'ayeitia meta pemariweme, meta pemariweti muyuawitsie paiti pekaneuti'ani. Pekatini'aitani naitsarie kwie manu'axetsie paiti.

²³ »'Eki ti'aitame xeime pepuxei niukitu-ayame mipatsie muyuawitsie 'akamieme, mimetsi'aitiakai 'iteiri pemika'unaki meta

pemikateukukekai hetsiena mikawiyeki,
tsepaneti kutsunuyari tepiaki pemutseiriyaxia
meta wurunitseki nanayari. Mipai yeutari
wahepai mitiyuhayewaki 'atahuta wiyari.

24 »'Ipaɪtiti kananuyɪneni heinɪtsika, mipai
katiniu'aɪta Kakaɪyari 'Amutewi 'Eki ti'aitame
'ahepaɪtsita:

25 'Eki teiteri watsata pekananayehaniemiki,
yeutari wahamatia pe'uyeikati pekanayeimiki,
tewaxi wahepai 'ixa pekanitikwaimiki, 'ahetsie
haɪtsi kaniupaparemiki. 'Atahuta wiyari
kananuyeyeimiki, kepaukake 'Eki ti'aitame
mipai pemiretimani kename Kakaɪyari 'Amutewi
'itsikame hiki yunaime kwiepa te'aitamete
wahetsie, meta miki piyiwe ti'aitame meyeitiani
kemi'ane manayexeiya.

26 Kepemitiuta'aitarie pemihayewaki 'iteiri
kutsunuyari meta nanari mikita pi'iniariyari 'Eki
ti'aitame hekwameki ti'aitame pekanayeimiki,
kepauka mipai pemiretimani kename yuriki
ti'aɪta Kakaɪyari muyuawitsie makawe.

27 'Ayumieme, 'Eki ti'aitame hiki
ne waikawameki nekamaniwawirieka
yapemɪtikayaniki kenemimatitahiawe:
'Axapetiyurieneti ketineuhayewa, 'aixia pita
ketineyurieneni, 'axamiti'ane kenehiwa,
memiteheuyehiwa wahetsiemieme 'aixia
ketineuka'iyarini. Heiwati 'ana 'aixia 'anemeki
pe'uyeikamiki meta peyutemawieti».

28 Merikite, 'iki naiti ti'aitame Nawukurunut-
suxi hetsiena mipai pitiuyi.

29 'Arike tamamata heimana huta metseri
'anukayaku, yuparatsiyu 'amupa heima mexi

'uyeikakai Wawiruniyatsie,

³⁰ mipai kaniutayini: «Wawiruniya
xekeneuxeiya mimariwe nemitawewi
nemira'aita kwieyaritsie wamu'u mihikitiniki.
Nekanitawewieni netirikariya mimariweki, ne
'aixia nemirahawariwaniki».

³¹ 'Akuxi pikatitahayewawekai tikuxatati,
kepauka muyuawitsie, niuki mu'enierie mipai
'utaiti:

«'Iki 'aitsika kanihikitini 'ahetsiemieme,
ti'aitame Nawukurunutsuxi. 'Ena mitiyehane
ti'aitame pepikahikitiniri.

³² Teiteri watsata pepanayehanieni, yeutari
wahamatia pe'uyeikati pekanayeimiki, tewaxi
wahepai 'ixa pekanikwakamiki, 'atahuta wiyari
kananuyeyeimiki kepaukake mipai pemiretimani
kename Kakaiyari 'Amutewi 'itsikame hiki
yunaima kwiepa te'aitamete wahetsie, meta
kename miki yiwe ti'aitame meyeitiani kemi'ane
miki manayexeiya».

³³ Nawukurunutsuxi kemitiutaxatiarie
yapauka yakatinaye'ani. Teiteri watsata
kananayehanieni, tewaxi wahepai 'ixa
kaniutikwani. Haitsi muyuawitsie makaneika
hetsiena kaniupaparekaitini, 'atsita huxarieya
'ani hepai kaniutitire meta xiteteya kwixi xiteteya
hepai kaniutitire.

³⁴ Miki wiyari 'anuyekineku ne,
Nawukurunutsuxi, neheima muyuawitsie
nepenierixi, 'ana tewi hepai netinekihiaweti
nepatia. Hiki 'ana Kakaiyari 'Amutewi
neputaniawaxi, neputihiximake meta 'aixia
neputayi yuheyemeki 'amuyeika hepaitsita:

Tirikariyaya pikaheu'axe,
piti'aita yuheyemeki.

³⁵ Yunaiti kwiepa memitama
nitixaiti mepikatehiki hixiena.

Kakaiyari yapitiyuriene kemitinake
niuki tuayamete wahetsie
meta teiteri kwiepa memitama wahetsie.

Pumawe xewiti tirikariyaya hixie mukeni
meta pumawe titayari miya petiyuriene
mirehiawe.

³⁶ Kepauka tewi hepai netinekihiaweti
nematia, tawarita nekaniupitiarieni mariwe-
meki kenemiti'aitakai. Netsi'ixatsitiwamete
meta memanuyetei nemira'aitatsie miemete
mekanenekuwauni, tawarita 'uweni
nekaniuhanitiarieni. Matsi waikawa
netirikaityeti nekanayani keyuri meripaiti.

³⁷ 'Ayumieme ne, Nawukurunutsuxi,
nekaniniawani, mariweme nekaneyeitiwani
meta 'aixia nekanaineni Ti'aitame muyuawitsie
makawe hepaitsita, yuheyemeki kemitihetserie
mitiyurieneki meta heitserie mexeiyaqi,
meta puyuwairiya memiyuti'ire tixaiti
mikatiwarayeitiani.

5

'Ixumeritsie kemira'urixi

¹ Hiki ti'aitame Weritsatsaxi 'ikwai 'ixiarariyari
kaniuwewieni mariweme, kaniwaruta'inieni
xeimiriya teiteri waikawa memeyewetse miki
kwieyaritsie, miki wahamatia winu kaniuti'ieni
kaniutitaweni.

²⁻³ Mexi me'iekai, Weritsatsaxi katiniuta'aita
huru meta pirata tekixiyari mi'atiiyarieniki

paapaya Nawukurunutsuxi, Kerutsareme tukita meiyehapakai. Mipai katiniyini. Tekixite kani'atiiyarieni, hiki miki ti'aitame meta 'iparewiwametemama mikita mekateniuka'ieni, yi'itama wahamatia meta yutuxexerima wahamatia.

⁴ 'Ari metariweti, yukakaiyarixima mekaniwaniawakaitini, huru, pirata, wurunitse, tepia, kiye meta tetexi kakaiyarixiyari.

⁵ 'Ana kwiti, paratsiyuta memiwayutixexeiriwatsie mama kaniuhekiare, kixeme hekariwiekaku, 'ixumeri mutuxatsie yu'itiwameki katina'utiwakaitini. Ti'aitame mexi mama mira'utiwa xeiyakai,

⁶ marikaki yuhixie kanayeture, tunuteya kaniu-tiyyiakakaitini, wairiyarika 'akanuwekaitini.

⁷ Hiki katiniuta'aita mara'akate, muyuaw-itsie timiemeki memiteyi'ukitia meta memitehetimamateke hixiena memi'axianiki, miki temaiwawemete Wawiruniya kiekatari mipai katiniwarutahiawe:

—Kemi'ane huta ma'uxa makateriwa meta minetsitahekiatiani kehepaititi maniyine, ne 'ixuriki miyitsikimaiyeki nekanitikemaritiamiki, huru kukayari nekanekatitiamiki meta hairieka mieme kuwexinaruriki nekanenayexeyamiki.

⁸ Temaiwawemete yunaiti mira'aita kiekatari mekaniu'axiani, matsi mepika'uyiwexaxia memekateriwa meta ti'aitame yamemitetahiawe ketiti maniyine.

⁹ 'Ana matsi ti'aitame Weritsatsaxi waikawa matsi kaniutimani meta waikawa kanayeture

yuhi^hxie. Meta 'iparewiwametemama
'atsimepikatemalaikai kememi^hyinikeyu.

¹⁰ Ti'aitame meta 'iparewiwametemama kwin-
imieme me'utainekaku, 'uka ti'aitame 'u'enaka
memiwayetei heutahaka mipai kaniutayini:

—'Eki ti'aitame peke'ayeyurini yuheyemeki.
Pepikayu'iyaritiaka meta yiki pepikaraka'erieka
'ahixie pepika'ayetuxani.

¹¹ 'Eki ti'aitame pemira'aitatsie xewiti
'apuyeika kakaiyarixi memipatsie wa'iyari
hexeyati. Kepauka ti'aitame 'amuyeikakai
Nawukurunutsuxi, 'eki 'apaapa, miki
tewi pukaxeyarie timaiweti, yapauka
retimamateketi, kakaiyarixi 'iyari memexeiya
hepai 'aneme hexeyame. 'Eki ti'aitame
'apaapa penukake temaiwawemete, mara'akate,
muyuawitsie timiemeki memiteyu'ukitia meta
memitehetimamateke wa'ukiyari mihikitiniki.

¹² Miki tewi kwinimieme katinimaiweni,
waikawa katinakumaika, meta katinimatani
metatsiere kaniyiweni heinitsika mitahekiata,
miranukaname mutaxata kaniyiweni meta
mitikwaniwetika 'aixia katinakayuruwani. Miki
tewi ketineutani'airi, miki yakametinitaxatiamiki
kehepaititi mire'uxa. Tanieri katinitewaka,
tsepaneti 'eki ti'aitame 'apaapa Werititsatsaxi
mititeriwakai.

¹³ Tanieri ti'aitame hixie kani'atarieni, miki
mipai katinita'iwawiya:

—¿Kamitsi 'eki Tanieri petihiki waniu, Kura
kwieyaritsie nepaapa mixeheyehapa?

¹⁴ Mipai nepitikuxaxatariwa kename 'eki
kakaiyarixi wa'iyari pehexeiya, kename

kwinimieme petimate meta waikawa
perakumate.

¹⁵ Temaiwawemete meta mara'akate nehixie
mepu'axia 'utiarika me'akateriwake meta
meminetsitahekiatiani kehepaititi manuyine,
matsi mepika'uyiwekaxia.

¹⁶ Mipai nepitikihiawariwa kename 'eki
petihekiatawe meta kename mitikwaniwetika
'aixia perakayuruwa. Xika pehekateriwa
meta pe'itahekiata huta kemire'uxa, 'ixuriki
miyitsikimaiye nepimetsi'anakatitiani, huru
kukayari nekamenakatitiamiki, meta hairieka
mieme kuwexinaruriki nekamenanukakemiki.

¹⁷ Tanieri mipai katinita'eiya:

—'Eki ti'aitame miki 'imikieri ketineuti'uta,
yanutsutini xeime keneyetui. 'Eki ti'aitame, ne
nepimatsi'akateriwirieni 'ixumeritsie kemixe'uxa
meta nekamenitahekiatiamiki kehepaititi
maniyine.

¹⁸ »Kakaiyari 'Amutewi 'apaapa Nawukurunut-
suxi kaniupitiani, mīmariweniki, xawatiriya mex-
eiyaniki, miti'aitaniki 'aixia rahiawariwati.

¹⁹ Kakaiyari 'ipitiaku miti'aitaniki, hixiena
yunaiti teiteri mekaniutiyiyiakakaitini, nuiwarite
meta yunaiti yiki memite'uniuka. Kemi'ane
meumiemikikai puwatakukuyakai, kemi'ane
mireuyehiwiriemikikai pitiwareuyehiwiriwakai,
kemi'ane mariweme mauyeitiamikikai
mariweme puwarayeitiwakai, meta xika xeime
tixaiti katihikitime heuyeitiamikini, miki tixaiti
katihikitime payeitiwakai.

²⁰ Peru kepauka 'iyarieya matsi 'axatiuka'iyariti
matia meta muyuta'irixi, ti'aitame 'uwenieya ka-

niunawaiyarieni, xawatiriya kemirexeiyakai katiniiunawaiyarieni,

²¹ teiteri watsata kananayehanieni meta yeutanaka 'iyarieya kaniupitiarieni, puxuri yeutari watsata kaniuyeikakaitini meta tewaxi wahapai 'ixa kaniutikwani, tikariki haitsiya hetsiena kaniupaparekaitini. Miki naiti hetsiena mipai katiniuyini, 'anake mipai katinetimani kename Kakaiyari 'Amutewi kwiepa yunaime te'aitamete kwiepa memitama tiwa'aitiwame hiki meta kename miki xeikia te'aitamete waranuka'uitiwa.

²² »Peru miyatiti, 'iki naime petimaitititi, 'eki, Nawukurunutsuxi nu'aya, tixaiti pekatihikititi pepika'ayuyeitiawe.

²³ Matsi pita, Kakaiyari muyuawitsie makawe pepaye'unie, pepitiuta'ai tekixite mihapaniemieki tukitana mieme, hetana xemiti'ieniki 'eki meta 'aparewiwamete, meta xe'itama metatsiere xetuxexerima. 'Eki pepi'ayetua pewaniawati kakaiyarixi memiwewiyatika, huruki, pirataki, tepiaki, kiyeki meta teteki, miki kakaiyarixi memikaheuneniere, memikaheu'enana meta memikaheti'enatikika, matsi Kakaiyari mariweme pepika'ayeitia tukari mimatsipitia meta kepemiti'aitani mimatsipitia.

²⁴ 'Ayumieme Kakaiyari miki mama peyeni'a miki mira'utianiki,

²⁵ huta ma'uxa: *Meneni, Meneni, Tekeri, Paritsini.*

²⁶ »Mipai kananiyineni, huta ma'uxa:

»*Meneni:* Kakaiyari tukari puti'iniataxi kepaimexia pemiti'aitani 'eki, 'ari penu'atia.

27 »*Tekeri*: 'Eki ti'aitame ti'ininiatametsie pekananiyewiyani, kepemirahetenikeyu mipai pepikareuhana.

28 »*Paritsini*: 'Eki ti'aitame pemira'aita panutahutarixi, meta mepiyetuiiriyarie merutsixi meta peritsatsixi».

29 Hiki Weritsatsaxi katiniuta'aita Tanieri 'ixuriki miyitsikimaiyeki mitikemaritiarieniki, huru kukayari makatitiarieniki meta hairieka mieme kuwexinaruriki manayexeyarieniki.

30 Miki tikariyaritsie Weritsatsaxi kaniu-mierieni, wawiruniyutsixi tiwa'aitiwame, hiki Rariyu Peritsa kiekame pita mana katiniuta'aita.

31 'Ana, Rariyu haika tewiyari heimana huta wiyari kanexeyakaitini.

6

Tanieri mayetsi memuye'uwatsie
kemireukahiya

1 Rariyu ti'aitame, timaiweti yukweriwayurieti 'aixia mitita'aitaki xeitsienituyari heimana xeitewiyari meyupaimeme memiparewieka kaniwarutihawe

2 meta yuhaikame kaniwarutihawe memiwaxeyani kememite'uximayaka, miki xewiti Tanieri pihikitikai. Miki ti'aitame parewiwametemama miki memiwaxeiya mepitewayetuiiriwakai kememite'uximayakai, miki mepi'ayumiemetetikai naiti miti'wiwariiekaki nitixaiti 'atsimikati'aneniki.

3 Tanieri matsi waikawa kaniyiwekaitini 'aixia katini'uximayakaitini, ti'aitame

tiniku'eriwakaitini nenuyeyenikekaitini naime mira'aitatsie.

⁴ Hiki ti'aitame parewiwametemama meta waxexeyamete tixaiti mekateniutiwauni Tanieri memitaxanetaki 'axa'uximayatsika hepaitsita ti'aitame mira'aitatsie mieme. Matsi tixaiti mepikate'ukaxei memitaxanetaki, Tanieri 'aixia mitiuka'iyarikaiki, nitixaiti pikatihiwe'eriekai meta pikaheuyewautsekai.

⁵ 'Ayumieme mipai mekaniutiyuani: «Hatsuaku Tanieri hetsie tepikatekaxeiya temitaxanetaki, hirixia piyiwe Kakaiyarieya 'aitsikaya kemaine hepaitsita».

⁶ Hiki ti'aitame parewiwamete meta waxexeyamete hipame mekaniwarutani'ani ti'aitame hamatia memitehetixataki, hiki hixiena me'u'axiaka mipai mekatenitahiawe:

—'Eki, ti'aitame Rariyu, yuheyemeki peke'ayeyurini.

⁷ Tame ti'aitame 'ahetsiemieme te'uximayatamete, meta kuyaxi tewa'aitiwamete, metsiparewiwamete, 'ixatsitamete meta kuwexinaruritsixi teyunaiti, mipai tepitehexa 'Eki ti'aitame 'aitsika hekwame pepitawewieni. Mipai paineni miki 'aitsika, xeimetseritsie xewiti pikayiwani kakaiyari minenewiyani yatini xeime tewi, matsi 'eki xeikia ti'aitame. Miki 'aitsika naitsarie 'iki kwieyaritsie pimiemetini, kemi'ane yamikatikayani 'ayeniereti putsuta mayetsi memuye'uwa keheukahiyani.

⁸ Hiki 'Eki ti'aitame 'iki 'aitsika keneutanaki'eri meta mipai ketinaka'utia. Mipai merutsixi meta peritsatsixi wa'aitsika kemaineni, xewiti mipata

pikayiwēni.

⁹ Ti'aitame Rariyu yakatiniutanaki'erieni mipai katinaka'utiani.

¹⁰ Kepauka Tanieri 'aitsika hepaitsita miretima, yukie kaneyani meta muyehuputsie kaneutiyune, wapaiti Kerutsareme hepatsie katineuyepierikekaitini. Muwa 'utitunumakeka kaniuyutanenewieni meta yukakaiyari hepaitsita 'aixia kanainekaitini, miki haikakia tukariki kaniyutinenewiwakaitini mipai katini'iyamakaitini.

¹¹ Kepauka 'iya teiteri memu'axia, Tanieri mekaniutaxeiya yunenewiekame Kakaiyari parewiya wawiriekame,

¹² hiki 'ana ti'aitame hetsia mekanekine kemitiu'aitakai meteheitaxatiani:

—'Eki ti'aitame kepemitiuta'aitaxi tam katiyuri? Mipai tekateniu'enanani, kemi'ane 'iki xeimetseriyaritsie xeime kakaiyari minenewiyani yatini tewi, 'eki kamatsi'ayexeiyati, miki mayetsi memuye'ine kaneukahiyamiki.

Ti'aitame mipai kaniutayini:

—Miki 'aitsika matsi pihekia, merutsixi meta peritsatsixi xewiti wa'aitsika mupata pikayawe.

¹³ Miki mipai mekatenita'eiya:

—Tanieri, Kura kwieyaritsie meyehanie, 'Eki ti'aitame tixaiti pikamarayeitiwa meta kepemitiuta'aitaxi. Pikatihayewa yukakaiyari nenewieri pitiat haikakia xeitukaritsie.

¹⁴ Kepauka ti'aitame mipai mitiutahiawarie, waikawa kaniuyukahiwerieni, hiki Tanieri mitawikweitsitiani katiniutiwauni, tukariki katiniwaunekaitini kehepai mitiawikweitsitiani.

15 Matsi 'iya teiteri ti'aitame hetsia me'u'axiaka mipai mekatenitahiawe:

—'Eki ti'aitame pepikaratitimaiyani, merutsixi meta peritsatsixi wa'aitsika kemaine, 'aitsika ti'aitame mitawewi nixewiti pikayiwe mipata.

16 Hiki 'ayumieme ti'aitame katiniuta'aita, Tanieri mayetsi memuye'ineta kaneukahiyani. 'Ana ti'aitame Tanieri mipai katinikihawekaitini:

—'Akakaiyari, yuheyemeki pemeyexeiya, kematsi'utawikweitsitiani.

17 Hiki tete 'ayeukame mekani'atiani mikiki mekateneunani putsu tenie. Ti'aitame yuhani-raki kaneitseyumani meta 'iparewiwamete watseyuki, memeye'atiani 'aitsika kemaine Tanieri hetsie.

18 Hiki ti'aitame yuparatsiyuta kanakunuani, tikariki pikatikwakai meta pikayutemawiekai, 'at-sita pikaheukumikikai miki tikariyaritsie.

19 Yapauka 'amitiukahekiarixi, kananukukeni, hiki kaneyani mayetsi memuye'inetsie.

20 Mana 'ahurawa 'umieti, yuhiwerieti mipai katiniuhiwa:

—Tanieri, Kakaiyari mayeyuri ti'uximayatsiriwame, 'Akakaiyari, yuheyemeki pemeyexeiya, reyiwekaxia mayetsi watsata mimatsihetawikweitsitiani?

21 Hiki Tanieri mipai katineita'eiya putsuta paiti:

—'Eki ti'aitame yuheyemeki peke'ayeyurini,

22 Nekakaiyari yuniuki tuayame kaneyeni'ani mayetsi watenie kaniuwiere. Yiki mepikanetsi'uyuri, Kakaiyari yamitimateki 'axanemikatiuyuri. Metatsiere 'Eki ti'aitame 'ahepaitsita 'axanepikatiyuriwe.

23 Ti'aitame waikawameki puyukatemawi, katiniuta'aita Tanieri muwatihanieniki. Kepauka muwatihanie, hawaiki tima pikahaxutsinikai, Tanieri yukakaiyari hetsie yuri mīti'eriekaiki.

24 Hiki ti'aitame katiniuta'aita 'itarikaki memitaxanetaxi memihapanieyuki meta kaniwaruta'aita mayetsi memuye'inetā memeukaxiriyaniki, wa'itama meta waniwema yunaime. Kwiepa meka'anutatexiawawekaku 'akuxi mayetsi mekaniwaranutixiani, wa'umete mekaniutikixauteni.

25 'Arike ti'aitame Rariyu 'aitsika mīpai haineme kananayetuani:

«Teiteri yunaiti, nuiwarite meta yunaiti yiki xemite'uxaxata kwiepa xemitama:

»Kayuwati xekehexeiyani meta yunaiti xekete'ukaxexeiyani.

26 »Mīpai nepitiu'aitaxi naitsarie nemira'aitatsie teiteri Tanieri Kakaiyarieya mekehayexeiyani meta mariweme mekehayetiwani.

»Miki Kakaiyari mayeyuri kanihikitini, yuheyemeki 'akaniuyeikani.

Hakewa mire'aita hatsuaku pikaka'une, 'aitsikaya hatsuaku hawaiki pikaheu'ani.

27 Miki pitiyuwikweitsitiwa, mariweme muyuawitsie pitiyuriene meta kwiepa.

Tanieri kaniutawikweitsitiani mayetsi me'itaxutsiximekaku».

28 Mipai tiuyiku Tanieri tewi waikawa
meuyewetse kanihikitaitini Rariyu
miti'aitakaitsie meta Tsiyu Peritsiya kiekame.

7

'Irawetsixi yunaukati

1 Mexiakame wiyaritsie Weritsatsaxi
Wawiruniyatsie ti'aitakaku, Tanieri katini-
uheinini meta yakatiniunieritarieni mexi
yu'itaritsie kakatei. Hiki katinaka'utiani tita
waikawa mireuyewekai yuheinitsita timieme,

2 'iki kanihikitini kemiraka'utia:

«Tikariki mipai nekatiniuniere, haramara
mimariwe nekaniuxeiya, kaniutayuanekaitini
nauka 'ekayari muyuawitsie miemek.

3 Haramaratsie mekanatinexiani 'irawetsixi
yunaukati 'ametemamariwaweti, yuxexuiti yiki
meteyuxexeyati.

4 »Mexiakame maye hepai katiniyuxex-
eiyakaitini, matsi 'anateya kwixi 'anateya
hepai kani'anenekaitini. Mexi 'akuxi ne
ne'ixeiyakai, 'anateya namuriyariexiani, kwiepa
kananukuhanieni, wairiyarika mekanipitiani
yu'ikateki 'amitakeniki, tewi mihikitini hepai.
Meta tewi 'iyarieya kaniupitarieni.

5 »Hutarieka mieme 'irawe nemuxei hutse hepai
katiniyuxexeyakaitini. Tapa yu'etsata kwinie
kanetitewikaitini meta haikame 'aki 'umeteyari
yuteta kanatikikaitini. Miki 'irawe mipai katiniu-
tahiawarieni: “Kenanukukexi, wai keneutikwa'i
waikawa”.

6 »Tawarita xeime 'irawe nekaniuxeiya, miki
hatiwe hepai kani'anekaitini, peru 'anate

naukame yuwaritsie pexeiyakai, memitekiwitiwe wa'anate hepai 'aneneme. Miki 'irawe naukame mu'ute kanexeiyakaitini, meta tirikariya kaniupitarieni mitita'aitaki.

⁷ »Hiki tawarita, kenemitinieritiariekaitsie naurieka mieme 'irawe nekaniuxeiya, miki matsi yemeki 'axakani'anekaitini, waikawameki tirikaiyeti. Tepia tameteyariki 'amititiki kaniwatipinakaitini meta kani-watikwa'akaitini tita mititakwani meta tita mitihayewa kanitiketsinakaitini. Tamamata paime 'awate kanexeiyakaitini, hipati 'irawetsixi kememiteyuxexeiyakai wahepai pikatiyuxexeiyakai.

⁸ »Mexi 'awateya kwinexeiyakai, xewitita 'awa 'etsipeti watsata kanatineni. Miki muwatineki haikati mexiakate 'awate kanamurariexiani. 'Awa 'etsimupe tewi hixiteya mayatsani hepai katiniyuxexeiyakaitini meta teni kanexeiyakaitini mutaniukakai tiyukatawe'eriekameki.

'Ukiratsi mīmariwe

⁹ »Ne mexi 'akuxi 'iki netixeiyakai, yapaimeti 'uwenite mana 'aniku'uni, meta xewiti 'Ukiratsi mariweti mana kanayerini.

'Ixurikieya kanituxakaitini 'iwi hepai, meta kipateya, muxa huxarieya mutuxa hepai kani'anenekaitini.

'Uwenieya meta xikirawime hexeiyati tai hepai katiniyuxexeiyakaitini.

¹⁰ Hixiena tai haixayari kanetineikakaitini.

Miyuni meyupaimeti mekaneyexeiyakaitini,
meyumiireti mekaniparewiekaitini.

Kepauka 'itsikame 'amayeri, 'aixia mitiyiniki,
xapate nanutayepiyaxiani.

¹¹ »Ne kwi ne'ixeiyati nekaniuyuhayewa
'awa 'etsimipe mitikuxatakaiki 'uyuta'ireti.
Ne nekanixeyakaitini kepaukake miki 'irawe
mumierie, 'etsipepeti neutixitekiexiani meta tai
'anutitatawemetsie mekaneixirieni.

¹² Hipatita 'irawetsixi yutirikariya mekaniu-
nawaiyarieni, peru yapaimexia memu'uwaniki
mekaniupitiarieni.

¹³ »Tikariki miya netiniereti, xeime nekaniux-
eiya tewi hepai 'aneme muyuawitsie haitsata
'akamieme. 'Ukiratsi mimariwe hepa hurawa
kanayani meta hixiena kanewitikieni,

¹⁴ miti'aitaniki kaniupitiarieni, tirikariya meta
xawatiriya kaniupitiarieni. Yunaiti teiteri,
nuiwarite meta yiki memite'uniuka me'eyexeiyati
mekanakine. Kemitit'aita yuheyemeki piti'aitani,
pika'anuyani, meta kemitit'aita hatsuaku
pikaka'unarieni.

Heinitsi kehapaítiti manuyine

¹⁵ »Ne, Tanieri, waikawameki nemati
nekaniuyuhayewa, meta miyanemitiunierixiki
nenehiaweti.

¹⁶ Hiki xewiti mana muwekai 'aurie 'ahurawa
nekaniuyani, 'iki yuriki kehapaítiti manuyine
nekanita'iwawiya. Mipai katinitahekiata miki:

¹⁷ "Irawetsixi memiyunauka memimamariwawe
yunaukati te'aitamete mekanihikitini kwiepa
mekatenita'aitakuni,

18 matsi Kakaiyari 'Amutewi muwaranayexei memipatsie memiteta'aitaki mekaniyetuiri-yariekuni, yuheyemeki wahetsie pimiemetini, yemeku yuheyemeku”.

19 »Hiki naurieka mieme 'irawe het-siemieme yemeku nepitimaimikikai ke-hepatiti manuyineka, miwatitsanakai meta miwatikwa'akai tita mititakwani, meta tita mitihayewa mititiketsinakai. Yiki kani'anekaitini hipati yuhaikati kememika'anenekai, tepia tameteyari meta wurunitse xiteteyari kanexeiyakaitini. Yiki pitiyuxexeiyakai yemeku pimariwekai.

20 Yaxeikiata tamamata 'awate yumu'utsie meixeyakai hepaitita nekatnimaimikikaitini, meta xewiti muwa matine miki tiuyurieu miki haikati mamurixia. Miki 'awa matsi 'akanipakaitini keyuri hipati, hixite kanexeiyakaitini meta pitikuxataakai 'uyuta'ireti.

21 »Ne mexi 'akuxi kwi ne'ixeiya, miki 'awa kani-uyutamieni memipatsie kaniwarutakwini, kani-wara'iwa.

22 Hiki 'Ukiratsi kaninuani, 'aixia mitiyiniki 'Amutewi hetsia miemete memipatsie wahetsiemieme. 'Ana kwiti memipatsie memite'aitaniki mekaniupitarieni.

23 »'Ukiratsi mimariwe mipai katinitahekiata:
 »“'Irawe naurieka mieme naurieka ti'aitame kanihikiti
 'ena kwiepa mitikeni.
 Yiki kani'anemiki kememikate'aita hipati,
 kwiepa memitama yunaime kaniwatik-waimiki,
 kaniwatipinamiki meta kaniwatiketsimiki.

24 Tamamata 'awate tamamata te'aitamete
mekanihikiti
miki kwieyaritsie memitineixiani.

Xewitita ti'aitame panukakeni wa'itima,
meripai miemete kememi'anenekai yiki
'aneti,
miki te'aitamete yuhaikame kani-
waranakaxirimiki.

25 Kakaiyari 'Amutewi hepaitsita kaneuniumiki
memipatsie hetsiana miemete
kaniwa'uximatiamiki,
katinipataxiamiki tita 'ixiarari miratineika
meta 'aitsika niukiyari,
meta memipatsie katiniwata'aitiamiki
haika wiyari heimana 'ataxewime metseri.

26 'Itsikate 'iparitsie mekanayaxikuni,
miki 'awa tirikariya kaninawaiyariemiki
meta yuheyeme kanika'unariemiki.

27 Hiki 'ana memipatsie pita mekaniyetuiri-
yariekuni,
Kakaiyari 'Amutewi teiterimama memihiki,
memite'aitaniki xawatiriya mehexeiyati meta
tirikariya
mete'aitati naitsarie kwieyaritetsie.

Kemiti'aitani yuheyemek katini'aitakamiki,
mekaneyexeyakakuni meta mehei'enieti
yunaiti kuwexinaruritsixi kwiepa
memitama".

28 »Kenemitiunierixi 'ena pu'axe. Ne,
Tanieri, nepikanemaiwekai 'iyaritariika
kenemirexeiyakai nehetsie, yiki nepiraka'eriekai
marikaki. Matsi naime 'iki nehetsie xeikia
nekatiniuhini».

8

Muxa 'uki meta tsipu 'uki kemitiwaruxei

¹ «Hiki Weritsatsaxi hairieka wiyaritsie ti'aitakaku, ne Tanieri, tawarita mipai nekatiniuniere.

² Miyanetiniereti, mipai nepitinemaikai Tsutsa kiekariyaritsie nekaniuyeikakaitini, 'Erami kwieyaritsie, haa 'Urahi mititewa manuyeka 'aurie.

³ Mipai nekatiniinierekaitini, nehixie kaniuwekaitini muxa 'uki hutame 'awate ha'uitiati. Hatetsita kaniutiwekaitini meta kwinimieme titime 'awate kana'uitiakaitini. Xewiti matsi 'akanitewikaitini, 'arikeke titi haneka.

⁴ »Ne'ixeiya nekaniiuhayewa kemitiwakwinekai tayeta meta tatsutia memitama. Nixewiti yeutanaka me'iwa pikayiwekai meta nixewiti pikayiwekai mitawikweiya. Muxa 'uki kemitinake yapitiyurienekai, matsi waikawa tirikaiyeti kanayeiximekaitini.

⁵ »Ne mexi nene'iyaritiakai miki hepaitsita, yapauka tau makayuyupiketsieta kanataneni xewiti tsipu 'ukititi, yihixite mayatsatikatsie hixiata 'awa kanakekaitini kwinimieme timariweme, meta naime kwie heima kaniuyeyani ka'anutateteketi tima.

⁶ Muxa 'uki hatetsita nemixeiyaikai 'aurie kepauka munua, kanitamieni waikawa ha'ati.

⁷ Kemititami meta 'awateya kemiremuririexia ne nekaniuniere. Muxa 'uki mitamieni pika'uyiwekaxia, matsi tsipu 'uki kanetihiani

meta kanitaketsini. Nixewiti muxa 'uki hetsie pika'utanua tsipu 'uki 'imienekaku.

⁸ »Tsipu 'uki matsi waikawa kaniutatirikaxiani, peru kepauka matsi waikawa mutatirikaxia 'awaya 'amitewi kanamure, manata naukati 'awate kananexiani mamariwaweti nauka 'ekayari muyuawitsie mieme hepa kaneitatseratikateitini.

⁹ Xeime 'awatsieta xewiti 'awa kananeni, matiari 'etsipupekai, tirikariyaya tatsutia kanikayune meta tau manatineikatsie, metatsiere takwiepa witsimiraku'anetsie.

¹⁰ Kaniutawere kuyaxi muyuawitsie miemete memanu'uwa kaniye'ani, hipame xurawetsixi kaniwarakaxirieni meta kaniwarutiketsini,

¹¹ matsi waikawa mariweme kaniyu'eriekaitini keyuri kuyaxi muyuawitsie miemete tiwa'aitiwame. Miki tiuyurieku mawari xexuime tukaritsie mieme kaneutipare meta tuki ka'itiyati kanayani.

¹² Tateiterima ke'axamemite'uyuriki, kuyaximama tita yuri miraine mekaniuka'una meta mawari xexuime tukaritsie mieme mihayewarieniki katiniuta'aita. Miki 'awa kemitinake pitiutawewi meta pitiuka'unaxi.

¹³ »Hiki mipai nekatiniu'ena xewiti mipatsie kananiukakaitini, xewitita kaniku'iwawiyakaitini: “ǂ'iki miya temiteneniere 'akuxi kereutere mawari xexuime tukaritsie mieme hepaitita, meta mawari 'axami'ane mikapatsie ka'itiyakame mayetiwa tuki, metatsiere kuyaxi tixaiti kememikate'ayeitiarie?”

¹⁴ 'Iya mipatsie mipai kanetiniutahiawe: “Huta miriyari heimana haika tsienituyari tukari

meta tikari kaniyuriemiki. 'Anake miki tukari 'anuyeyayu tuki 'aixia 'itiarieti kanayeimiki”.

Kemitiunierixi kehepaititi mitiniumiki

¹⁵ »Ne Tanieri, mexi kenemitiunierikai ne'iti'eriwakai ne'imaimiti, yapauka xewiti tewi hepai tiyuxexeiyati nehixie kaniutakeni.

¹⁶ Hiki haa 'Urahi mititewa manuyekatsie paiti hiwari mipai kanetayini: “Kirawieri, 'iki tewi yaketineutaxatia kehepaititi mitiunierixi”.

¹⁷ »Kepauka Kirawieri ne'aurie mutake, waikawa nekaniutimani netunuma nekaniukaweni. Peru miki mipai kanetiniutahiawe: “Tewi, mipai ketine-maika, 'iki miya pemitunierixi 'imatirieka tukari hepaitsita kanimiemetini”.

¹⁸ »Kirawieri mexi 'akuxi netikuxaxatiwakai, kwi kauka neneuku, kwiepa netihiximaweti. Peru miki kanenanutahitiani meta wairiyarika kaneni-upitiani nemanukukeniki,

¹⁹ mipai netikihaweti: “Nekamanita-hekiamiki kemitiyini 'imatirieka tukari kepauka Kaka'yari haxiaya maye'ani, kariki 'imatirieka tukari kanaye'amiki kepauka mika'iniari.

²⁰ Muxa 'uki hutame 'awate hexeyame pemuxei miki kaniwa'iniaritini yuhutati te'aitamete Meriya kiekame meta Peritsiya.

²¹ Tsiyu 'uki Kiretsiya kwieyaritsie ti'aitame kanihikitini, kwinimieme timariweme 'awa maketsa yuhixite hixiata mexiakame ti'aitame kanihikitini.

²² 'Awate naukati manexia mamurarie hetsiemieme miki yunaukati te'aitamete

kaniwa'inariyaritini miki kwieyaritsie me-manuka'uni, peru yaxeikia mepikatetirikawini.

23 »"Imatiriekā tukari mete'aitakaku, kepauka 'axateyuruwamete waikawari 'axamemiteyurieni, 'ana xewiti ti'aitame nanukakemiki 'axatiniukiti meta waikawa tiyukwamanati,

24 tirikariya waikawa hexeyati kanayeimiki, peru yuxaita pikaheixeyani. Miki ti'aitame yumireme piwaka'una, meta tsepa kemitiuyuri naiti 'aixia pitiyini hetsiena mieme. Memitirikawi piwaka'una meta teiteri memipatsie kaniwaka'unamiki.

25 'Itarikaki ti'ikitame kanayeimiki, mariweme kaniyu'eriekamiki. Yumireme teiteri kaniwaka'unamiki 'atsimekate'anuyekineke memiyu'eriekai meta te'aitamete Tiwa'aitiwame kanitamiemiki, peru kanika'unariemiki tewi tirikariyayaki pikatixai.

26 'Iki kepemitiunierixi tukari meta tikari hepaitsita, pmutaxatarie, miki kaniyuritini. Peru xeikia miirikia pepika'ihematikani, kariki 'akuxi miixa tukari kaneuyeweka mipai mitiyini".

27 »Ne Tanieri, nekaheutirikaiyeti nekanayani, miixa tukari ne'utatsie nekanikakateitini. Manakeri ne'anukukeka ti'aitame mira'aitatsie nekatiniparewiekaitini tita miranierikai. Matsi heinitsika waikawa pinetsi 'iyaritiakai, 'atsinemikareitimaiwekaiki 'akuxi.

9

Tanieri kemitiuyutanenewi

1-2 »Merikite mexiakame wiyari Rariyu ti'aitakaku Keriketsi nu'aya, meru tewiyari wawiruniyutsixi tiwa'aitiwame hamatia, 'ana ne Tanieri, miki niuki 'utiarika nekaneti'enietiyani Yawé Keremiyaxi mipai mititahiawixi kename Kerutsareme 'uniti yuhayewakekai haika tewiyari heimana tamamata wiyari.

3 Hiki 'ana nekaniuyutinenewietiyani meta Yawé nekakaiyari yanekatinahiawekaitini. Neyunenewieti 'akuxita nekaniyuhakieni meta hiwerika kamixayari nekananakatini, meta naxipa nekaniutayerini.

4 'Iki nenewieri kanihikitini meta kenemitiyutahekiataxi:

»“Yawé, Kakaiyari pemimariwe meta meuyewetse pemimakaxiwani, 'atiratu hepaitsita 'aixia pepitiuka'iyari pemeye'atiwa memimatsinaki'erie meta kepemiti'aita yamemitekahu wahetsie:

5 'Axatepíte'uyuri kemikareuyewetse, meta temikaheu'enana tekanihikitini, 'a'aitsikate tepuku'eiri.

6 Tepikawa'enie te'a'uximayatsiriwamete 'aniukamete, pewani'akaku memitewarutaxatia tate'aitiwamete meta meripaiti kiekatari ta'ukiyarima meta yunaime kwiepa memitama.

7 »"Eki Yawé, heitseriemeki yapepitikamie. Tame matsi, tewiyarika xeikia tepexeiya 'iki tukaritsie, tame Kura kiekatari, Kerutsareme kiekatari meta naitsarie 'Ixaheri kwieyaritsie kiekatari, 'ahurawa temu'uwa meta 'ateewa temu'uwa, naitsarie hipame kwieyaritsie hakewa pemitatsihetaxiriexia

temimatsi'uku'eiriki.

⁸ »"Yawé, tame meta tate'aitiwamete meta 'iparewiwamete meta ta'ukiyarima, tepeu-tatetewiya 'ahepaitsita 'axatemite'uyuriki.

⁹ Peru miyatiti tsepa temimatsi'uku'eirie kai tematsi'aye'unieti temaki, 'eki, Tati'aitiwame, Kakaiyari pemitikananenimaya meta pemitareuyehiwirieni pekanihikitini.

¹⁰ »"Yawé meta takakaiyari, 'a'aitsika kemaine yatepikatekakiniwawe meta tepika'iweiya, pemitatsiyetuiri te'a'uximayatsiriwamete 'aniukamete yametekuxatakaku.

¹¹ Yunaiti 'ixaheritsixi 'a'aitsika mepuku'eiri, mepikayuwai ri yamemitekahuni kepemaine. 'Ayumieme, 'axatemite'uyuriki 'ahepaitsita, tahetsie paye'a kepemutayi ketemitekwinitiarienie kai, 'iniari xapayaritsie kemire'uxa meti'uximayatsiriwame Muitsexi kemiraka'utia.

¹² »"Eki pepeye'atia kepemitarayemari'itia, tame meta tate'aitiwamete, 'eki tahetsie 'iki 'uximatiarika mimariwe pepi'atia. Hatsuaku 'ena kwiepa mipai pikatiyiwe Kerutsareme het-siemieme kemitiuyi.

¹³ »"Yawé meta Kakaiyari, naiti 'iki 'uximatiarika tahetsie kaninuani, Muitsexi xapayatsie 'iniari niukiyaritsie kemire'uxa, miyatiti 'akuxi tepikatekuwautiwe pemitatsitinenimayataki. Tita'axamiti'ane tepikateku'eiriwawe meta tepikayumexiitia 'aniuki yuri maine temi'enieniki.

¹⁴ »"Eki, Yawé meta takakaiyari, 'iki

'uximatarika pepukuha'aritaxi meta pepipitia tahetsie mikaweniki, 'eki kemitiheitserie yapepitiyuriene naimetsie kepemitiyuriene. Peru miyatiti, yatepikatekakiniwawe kemimetinake.

¹⁵ »"Yawé meta takakaiyari, 'atirikariyaki 'ateiterima 'Ekipitutsie pepitatsi'ayewiti meta peputamariwaxi 'ateewa, hiki ketemiteneniere: 'Axatemitu'yuri, tita 'axamiti'aneki tepihipine.

¹⁶ Mipai tepitemate waikawa 'aixia pepitiuka'iyari, 'ayumieme ketineuhayewari peha'ati Kerutsareme hetsiemieme, miki pi'akiekari meta 'ahiri mipatsie pihiki. 'Axatemitu'uyuriki meta tatewarima 'axamemitu'uyuriki, Kerutsareme meta tame 'ateiterima mepitatsiyuriya ta'aurie kiekatari.

¹⁷ »"Hikita, Kakaiyari meta Tati'aitiwame, ne ti'a'uximayatsiriwame nenenewieri keneu'eni meta waikawameki kenemimetiawawirie. 'Aixia petikihiawariwame kenayuyeitia meta 'atuki keneuxeiya pe'inaki'erieti, muka'unarie.

¹⁸ Ketaneu'eni, takakaiyari, kenanutanieri ketaneuxeiya ketemite'uka'unarie meta kiekari keneuxeiya hakewa pemahiawariwa. 'Iki miya temimatewawirie, 'aixia temite'u'iyariki hetsie tetewiyati tepikahaitika matsi kepemiti'akanenimaya hetsie pita tetewiyati.

¹⁹ Yawé, ketaneu'eni. Yawé, ketatineuyehiwiri. Yawé, ketananu'eni meta yaketineuyuri. Nekakaiyari, 'aixia pemitikuxaxatsiwaniki yaketineuyuri meta 'apepikareutewini tawarita matsi, pekanahiawariwani 'akiekari meta 'ateiterima

wahetsiemieme”.

Haika tewiyari heimana tamamata tsemanayari

²⁰ »Ne nepiyeweyakai netikuxatati meta neyunenewietì Yawé nekakaiyari hamatia. Hixiena nepunetahekiataxi ke'axanemiuiyuri meta 'ixaheritsixi ke'axamemite'uyuri, meta waikawa nepitawawiri hiri mipatsie hetsiana mimieme hetsiemieme.

²¹ Taikai miratimawatire naye'aximekaitini. Mexi 'akuxi ne neyunenewiekai, niuki tuayame Kirawieri, meripaitiri nemixeyakai, yumexiitiatì 'uwiximetì nehetsia kaninuani

²² hiki mipai kanetiniutahekiatiani:

»“Tanieri, hiki nepeyetia yapemiretimaniki naimè hekiakameki.

²³ Kwitiwa kepauka pemitsutia peyunenewietì, Kakaiyari 'anenewieri kananu'enieni. Nemetitaxatianike nepeyetia 'eki Kakaiyari waikawa pimetsinaki'erie. Keneneu'eni kenemimetitahiawe, ketitipemitiunierixi yapemiretimaniki.

²⁴ »”Haika tewiyari heimana tamamata tsemanayari mepupitiarie 'ateiterima meta 'akiekari mipatsie para memitehayewaki 'axameteyurietì, memitawauniki memiteheuyehiwiyarieniki ke'axamemite'uyuri, memitsutianiki kemitihetserie meteyurietì yuheyemeki, kepemitiunierixi meta 'uxa'a warie kemitiyini kepemitiutaxatiarie maye'aniki, meta patsiekame memayeitianiki tukita Waikawa Muyepatsietsie.

25 »"Aixia ketineu'ena kenemetitahawe: 'Atahuta tsemanayari kananukayeimiki tsutiti kepauka 'aitsika mutawewiya maine Kerutsareme ke'anukuketiarieni 'atsita 'uti'ati munuanitsie ti'aitame manayexeiyarie. Miki tukari 'anukayayu tawari kanahuni haika tewiyari heimana huta tsemanayari. Hiki 'ana Kerutsareme kananukuketiariemiki, kayeyari meta kuraruyari 'amatayewa. Tukari waikawa kwaniweti kanayeimiki,

26 haika tewiyari heimana huta tsemanayari 'anukayayu, 'ana ti'aitame manayexeiyarie tukarieya kaninawaiyariemiki. Miki karekakiekariti kaniyuhayewamiki meta tuki muyepatsie kahexeiyati, kariki xewiti ti'aitame kananutikemiki miki kanika'unamiki. 'Imatirieka tukari pikatixemaritiani, wiyeri mitiyuhautsitiwa hepai, mekwi'iwati pikatihayewarieni kepaukake kuyaxa meutipare.

27 Miki ti'aitame 'atahuta tukari tiratu kaniwewimiki yumiireme wahamatia, peru hixiapa tiuweiyati 'atahuta tukari ka'aye'awekaku katinita'aitamiki mitihayewarieniki timawarieneti meta 'imikieri yetuiwati tukita. Tuki 'amanutitewatsie waikawa 'axakatiniyuriemiki 'axati'aneme katipatsiekame katinitimawamiki, kepaukake hetsiena mieme kemire'uxa maye'ani kemitika'unarieni kemireutipare"».

10

Tanieri kemitiunierixi Tikiriti hatiayaritsie 'aurie

¹ Hairieka wiyaritsie Tsiro ti'aitakaku Peritsiya kiekame, Tanieri hixie matsikiti katinayani kuyaxi meyumireme kaniwaruxeiya. Miki kemitunieritarie puyuritikai, Tanieri meta mikiti mititewakaitsiere Werititsatsaxi, kaneitimaitiyani kehapaiti manuyinekai kemitunierixi.

² «Miki tukaritsie ne, Tanieri, haika tsemana nepuyuri neminehiwerieka hepai ne'aneti.

³ 'Ana tukariyaritsie nepikatikwakai witsiti'aneme, wai nepikakwakai meta winu, metatsiere witsimitiu'iatika nepikanetawiri.

⁴ Mexiakame metseritsie xeitewiyari heimana nauka tukariyaritsie, mexi ne Tikiritsi hatuxam-eyari hatetsita ne'uyeikakai,

⁵ mipai nekatiniuniere, xeime tewi rinu 'ixurikiyari 'anakatikime nekaniuxeiya, huru hiyameyariki waikawa matsi 'aixia mi'aneki 'ayihakame.

⁶ Naiti pixawatikai tete tupatsiyu mitixawati hepai, meta kaniutimerikarekaitini nierikaya mimierikari hepai, hixiteya hutati tai mitatika hepai pi'anenekai, meta mamateya metatsiere 'ikateya wurunitse mixawati hepai kani'anenekaitini, niukieya kaniwa'eiyakaitini yumireti memutiyuaneni hepai.

⁷ »Ne, Tanieri, nexeikia miya nepitunierixi. Nehamatia memuwakai, tsepa tixaiti memikate'uxei, mekaniutimamani meta mekaniutinautsa mekaniyuti'awieta.

⁸ Nixewiti nehamatia pika'uyeikakai kepauka 'iki mariwemek miyanemitunierixi.

Neputaweranaxia, yiki nepiraka'erietaxi, tixaiti nemikatinenaki'erieka hepai nepitinemaikai.

⁹ 'Ana ne miki tewi nekaniu'enieni kanenikihawekaitini. Mexi ne'ieniekai, kwi nekaneukuni, kwiepa netihiximaweti.

¹⁰ 'Ana mama kaneniuwiya, netitunumaweme kaneniuhayewa kwiepa nemateikatikaime,

¹¹ meta mipai kanetiniutahawe: “Tanieri, kenanukukexi 'ahetsia nekaneyeni'arieni. Kakaiyari mimetsinaki'erie pekanihikiti, 'ayumieme keneneu'eni kenemimetitahawe”.

»Kepauka 'iya tewi minetsi'utahawixi, 'anekani-utakeni ne'uyiyakati.

¹² Hiki mipai kanetiniutahawe: “Tanieri, pepikamaka. Kakaiyari kepemitiutawawiri kameniu'enieni matari tukaritsie paititi kepauka pemitutia pe'imaimiti tita mitikwaniwekai meta kepauka tixaiti pemikarayuyetia Kakaiyari hixie. 'Ayumieme miya pemutaineki ne nepunua.

¹³ Xetewiyari heimana xewi tukari Peritsiya kwieyaritsie ti'iwiyame* pikanetsi'utanaki'eri, peru 'ayumieme Miyeri pinetsi'uparewi kanekuyeixiani, miki xewiti te'iwiyamete watsata waikawa meuyewetse kanihikiti. Mana nepunehayewaxi, Peritsiyatsie te'aitamete wahamatia.

¹⁴ Peru hikita nepeyetia nemimetitaxatianiki 'ateiterima wahetsie kemitiyini 'uxa'awarietini, miki kepemitiunierixi 'ana kemitiyini kanimietitini”.

¹⁵ »Mexi miki tewi miya netikihawekai, ne nekanitihiximakeni kwiepa meta kayuwati nekatini-

* **10:13 10:13** Teiwariki paine *principe de Persia*.

uyerini.

16 Hiki xewiti tewi hepai tiyuxexeiyati netenitsie kaneniutamayani, hiki 'ana ne ne'utaniuti nekanayani. Mipai nekatinitahiawe nehamatia mitikuxatakai: "Neti'aitiwame, 'iki miyanemitiunierixiki 'aixia nepikatinekihiawe meta nepikaheutirikaiye.

17 Nepikayiwe, ne meti'uximayatsiriwame, 'ahamatia nemitikuxatani. Tirikariya nepikahexeiya, wairiyarika xeikia neputa'iwe".

18 »Tawarita, tewi hepai mitiyuxexeiya kaneniutamayani hiki tirikariya kaneniupitiani,

19 kepauka mipai minetikihiawekai: "Kayuwati pekehexeiyani, tewi Kakaiyari waikawa mimatsinaki'erie. Keneutatirikaxia, pepikaheumaka".

»Mexi miki netikuxaxatiwakai, ne nekanitutirikaxiani hiki mipai nekatinitahiawe: "Ari pepinetsi'utatirikariyaxi, neti'aitiwame, kenetineutaxatia".

20 Hiki mipai kanetiniutahiawe: "¿Yapetimate titayari 'ahetsia nemitinua? Tami Peritsiyatsie ti'iwiyame hamatia neminetamieniki nekaniyianeni. Kepauka nemititahayewa miki hamatia nenemieneti, Kiretsiyatsie ti'iwiyame kaninuamiki.

21 Peru neuxe, yanekametinitaxatiamiki kemire'uxa yuri maine xapayaritsie. Kenemitinetamieni miki wahamatia, Miyeri xeikia netsiparewiekaku nekaniyiwani, miki xeikia xeme mixe'iwiyani kanihikitini.

11

¹ »"Kepauka Rariyu Meru tewiyari mexiakame wiyari miti'aitakai, mikita nekaniuparewieni, tirikariya nekanipitiani.

Te'aitamete tayeta miemete meta tatsutia miemete

² »"Peru hiki nekamatinitaxatiamiki 'iki niuki yuriki kemaine pemeitimaniki. Peritsiya kwieyaritsie te'aitamete yuhaikati 'akuxi mekananuku'uikuni, meta tawarita 'akuxi xewiti naurieka kananukakemiki, miki matsi waikawa xiku kanayeimiki keyuri memiyuhaika. Kepauka waikawa tirikariya hexeiyaati mayani yuxikutiriyaki, yunaime kaniwata'inimiki Kiretsiya kwieyaritsie ti'aitame memitamieniki.

³ Hiki xewitita ti'aitame nanutikemiki kwinimieme titirikaiyeti, miki katinita'aitamiki waikawa reukemakameki meta yakatiniyurimiki kemitinake.

⁴ Peru yapauka 'ari kepauka miti'aitani, mira'aitani kanita'unimiki meta 'ayenaukati kanayeimiki mira'aitakaitsie. 'Iki ti'aitame mira'aitakai nuiwarimama mepikateta'aita, meta ti'aitati kemititirikaiyekai mipairi pikatitirikaiyeni, kariki Kakaiyari kanititisanaxiamiki meta hipame pita kaniwaye-tuiriemiki.

⁵ »"Ti'aitame tatsutia kiekame waikawa kanitatirikaxiamiki, peru xewiti kuyaximama tiwa'aitiwame miki matsi waikawa tirikaiyeti nayuyeitiamiki keyuri miki, waikawa tirikaiyeti katinita'aitamiki yukwieyaritsie.

6 Yapaïmexia wiyari 'anuyeyayu mekaniyutinikuni: tatsutia hepatsie ti'aitame niweya 'uka, ti'aitame tayeta kiekame kanitiwitimiki, 'aixia 'iyari memuyuxeïyaniki, peru 'uka tirikariya pinawaiyarieni, meta ti'aitame tirikariyaya pikareutere. Miki 'uka kanika'unariemiki, meta memeweïyakai, meta nu'aya metatsiere kinaya.

»"Ana tukaritsie,

7 miki 'uka 'iwaya xewiti ti'aitame 'uwenieya tatsutia miemetsie kanayerimiki, meta yukuyaxima warawititi ti'aitame tayeta kiekame kanitamiamiki meta ti'aitame kiekarieya kuraruyari 'amatitewa, hiki kane'iwamiki.

8 Kakaïyariximama tepiaki memiwewiyatika yuhetsiemieme katinayeitiamiki, meta huruki mitiwewiyatika meta pirataki, 'Ekipitu katinanutimiki, yapaïmexia wiyari ti'aitame tayeta kiekame kayuwati kanipitiariemiki.

9 'Arike ti'aitame tayeta kiekame, ti'aitame tatsutia kiekame hakewa mire'aitanitsie kanitahamiki kanitamiamiki, peru wairiyarika kanipitiariemiki yukwieyaritsie makunuaniki.

10 Hiki niwemama mekaniyukuha'aritiakuni memiyukwiuyuki, kuyaxi meyumïireme mekaniwakuxeïrikuni, haa waikawa muwayeneka hepai, naime meteye'unarimetï mekaniyekinikuni kiekari kuraruyari 'ematitewatsie mekaniye'axiakuni.

11 »"Hiki ha'ati, ti'aitame tatsutia kiekame ti'aitame tayeta kiekame kanitamiamiki, tsepa memiyumïireni kuyaximama kana'iwariemiki.

12 'Iki rayu'iwame, ti'aitame tatsutia kiekame

waikawa kaniyuta'irimiki meta yumïireme kaniwakwimiki, matsi rayu'iwati pikareutere,

¹³ kariki ti'aitame tayeta kiekame hipameta kuyaxi kaniwakuxeirimiki, matsi meyumïireme, meta 'aixia ti'aneneme kuyaxa timieme mete'upikame keyuri matiari miemete, hiki yapaimexia wiyari 'anuyeyayu ti'aitame tatsutia kiekame tawarita kanitamiemiki.

¹⁴ »"Neuxei, Tanieri, miki tukaritsie yuwaikawati ti'aitame tatsutia kiekame teiterimama me'eye'unieti pita mepakine, metatsiere mepïwanika hipati 'axamemite'u'iyari 'aiwama 'ixaheritsixi, peru mepikatehayu'iwa. Mipai katinaye'atïariemiki 'iki kepemitiunierixi.

¹⁵ Hiki ti'aitame kaninuamiki tayeta kiekame, tetsari 'imimïiyari kanita'aitamiki kuraru 'amatitewa hetsiemieme, mipai kiekari 'aixia mi'anetsie katineutahamiki, kuyaxi tatsutia kiekatari mepikayïwekaxiani, nitima kuyaxi 'aixia memi'anene mepikayïwekaxiani.

¹⁶ Kuyaxi tayeta kiekatari kemitiwanake mepiteyurieni, xewiti miwara'iwa mikayïweniki, hiki takwie witsimiraku'anetsie mekaniyuhayewakuni, miki mana mekatenita'aitakuni.

¹⁷ Ti'aitame tayeta kiekame kaniyukuha'aritamiki naima mira'aitatsie tirikariyayaki muyutamieniki, peru ti'aitame tatsutia kiekame hamatia tiratu kaniwewimiki: yuniwe 'uka kaniwiritiamiki, 'ika'unamiti katiniyurimiki mira'aitatsie, peru yapikatiyunake kemitiku'eriwakai.

¹⁸ Hiki 'arike haramara tetsita kiekatari kaniwatakwmiki, miki yuwaikawame

kiekarite kana'iwamiki, peru xewiti kuyaxi tiwa'aitiwame kayuwati kanitamaritamiki teiteri wananaimakaku, meta kanitewiyatsitiamiki.

19 'Arike mipai tiyiyu, ti'aitame tayeta kiekame kanakunuamiki yukwiewaritsie yukiekaritetsie kuraruyari 'amatititsie, peru kanekawemiki katinikwinimiki hiki tawariri pikatamariwa.

20 »"Ariketa ti'aitame tayeta kiekame 'utia, xewiti ti'aitame kananukakemiki, miki waikawa mariweti mayaniki xeime tumini wawame kanitani'amiki. Peru yapaimexia tukari 'anukayayu miki ti'aitame pimini, tsepaneti kuyaxa ka'uyeikati.

21 »"Hetsiena mieme xewiti tewi 'ax-atiuka'iyariti kananukakemiki, ti'aitame mikahikitiniyari, kepauka teiteri 'at-simemikateha'eriwanitsie, miki kwiewaritsie katinita'aitamiki, tiwa'itaiyati memikatehetimaniki.

22 Kaniwara'iwamiki yunaima kemi'ane memitamieni, metatsiere ti'aitame hamatiana tiratu muwewiekai.

23 Katiniwa'itaiyamiki kemi'ane hamatiana tiratu memiwewieni, meta 'etsimeyupaimeme teiteri warexeiyati pirayu'i'iwani.

24 Kepauka kwie mukumane waikawa mixikutsixi 'atsimemikateha'eriwani, kaniwatakwmiki, paapamama meta teukarimama kememikate'uyuri katiniyurimiki. Katiniwatapitiamiki yuteiterima piinite tita memite'u'axixi tita memiteha'iwxixi meyukwitiweti, meta katinitixatamiki kiekarite kuraruyari 'amatititi memiwatakwiniki.

»"Peru miki waikawa tukari pikayurieni.

25 Hiki waikawa yutirikariya hetsie tiwiyati, ti'aitame tatsutia kiekame kanitamiemiki yumireme kuyaxi warawititi. Ti'aitame tatsutia kiekame kuyaxi yumireme memitirikawi warawititi kanitamiemiki, peru me'iwa pikayiwekaxiani, hipati teiteri mepiku'eirieni.

26 Hamatiana memitetikwa'akai mekateniyurikuni memika'una, kuyaximama yemeki mekana'iwariekuni, meta yumireti mekanikwi'iwakuni.

27 Yunaiti yuhutati te'aitamete xeimexayaritsie me'utiteti, yunaiti kememiteyunanaimani xeikia mekateniku'eriwakuni, meteyu'itaiyatiweti xeikia, peru miki yaki xeikia katinayeimiki, 'akuxi 'imatirieka tukari mika'aye'aweniki.

28 Ti'aitame tayeta kiekame yukwieyaritsie kanakunuamiki waikawa piinite rexeiyati, peru 'akuxi meri tuki mipatsie 'axakaniyurimiki, kemitiku'eriwakai yakatiniyurimiki, 'anake yukwieyaritsie kanakunuamiki.

29 »"Aye'ayu tukari, ti'aitame tayeta kiekame, ti'aitame tatsutia kiekame kanitamiemiki tawarita, peru 'ana yaxeikari pikatiyini,

30 kariki kanuwa 'amupapa kuyaxa miemete tau makayuyupike kiekatari mekanitamiekuni, 'ana kanitimamiki kanikunuamiki. Hiki kunuame tuki mipatsie kanixianatiamiki hetsiena kanihaxiapiemiki. Kepauka miyemie 'aixia katiniwaxeyamiki kemi'ane tiratu memiku'eirieni.

31 Kuyaximama tuki kuraruyari 'axam-ekaniyurikuni meta mawari xexuime tukaritsie mieme mekanikunakuni, hetsiena mieme pita tixaiti mekateniyurikuni 'axati'aneme

katipatsiekame mirayeitiwa.

³² Kemi'ane tiratu memiku'eirieni
katiniwa'itaiyamiki witsitiwakihaweti,
matsi kemi'ane yukakaiyari memimateni
mepuyutirikariyani meta mepika'i'enieni.

³³ »"Memitemaiwawe yumireme
mepiwata'ixatsitiani, peru yapaimexia
'anuyeyayu 'ixiparaki mepikwi'iwa, yatini
mepititaiyarieni, yatini 'ateewa mepanuha-
panieni xeime kwieyaritsie meta naime yupiinite
mepitenawaiyarieni.

³⁴ Kepauka memikaxirieni, 'etsiwa xeikia
mepiparewiyani, peru yumireti teiteri
mepiwatininititi peru yaki me'utiyuati.

³⁵ Hipati temaiwawemete mepikaxiriyani,
peru miki 'iniatsikaki mepi'itiyani meta 'aixia
puwatiyurieni, kepauka tukari maye'anitsie
tiniriya memikahexeianiki. Waikawa 'akuxi
kaneuyewekani tukari maye'ani.

Ti'aitame yuxaita mariweme kemirayuyetiwa

³⁶ »"Miki ti'aitame kemitinake pitiyurieni.
Yuhetsiemieme 'aixia putaineni, yunaime
kakaiyarixi watsata mariweme puyu'erieka, meta
yuri Kakaiyari hepaitisita 'axapitayini nixewiti
mikatayiwe hepai. Naiti 'aixia pitikiyineni
kemitiku'eriwani, mexi Kakaiyari haxiaya
hetsiana ka'uye'aweni, kariki kemitiyinikeyu
yakatiniyimiki.

³⁷ Miki ti'aitame yututsima meripaiti
kiekatari wakakaiyarixi pikawarayexeiyani,
nitima kakaiyari 'ukarawetsixi memeyexeiya,
niximetima kakaiyari pikahayexeiyani, matsi

pita miki mariweme puyuxatani keyuri miki kakaiyarixi.

³⁸ Peru, 'iki ti'aitame kakaiyari kiekarite kuraruyari 'amatitetewa mi'iwiya payexeiyani, xeime kakaiyari tutsimama memikaheitima payexeiyani, hiki mawari kaniwewiriamiki waikawa raye'akame, huru, pirata, meta tetexi witsimi'anene.

³⁹ Xewiti kakaiyari mikamatiwa 'iparewiekaku, kiekarite waikawa 'aixia mireukukurarutiyarietika kaniwatakwmiki, kemi'ane hetsiana memiyuyetuni waikawa 'aixia katiniwaxeiyamiki, katiniwarakapitiamiki yumireme teiteri wakuwexinaruritsixi kaniwarayeitiamiki meta kwie kaniwayetuiiriamiki.

⁴⁰ »"Kepauka tukari maye'ani, ti'aitame tatsutia kiekame tayeta kiekame kanitamiemiki, matsi mikita kanitamiemiki kaxetate kuyaxa miemete meta kawayutsixi metatsiere kanuwate kuyaxa miemete wakuha'aritiame. Yumireme nuiwarite kaniwaka'unamiki, wahetsia kaninuamiki haa teiteri miwahautsitiwa hepai.

⁴¹ Yaxeikiata takwieyari witsimiraku'anetsie kanitahamiki, yumireti nuiwarite mekana'iwariekuni hetsiana miemete mekanakinikuni, peru mekanitawikweikuni 'Erumi, Muhawi meta 'amunitsixi tewa'aitiwamete.

⁴² Yuwaikawame nuiwarite kaniwara'iwamiki, meta tima 'Ekipitu pikatawikweni.

⁴³ 'Ekipitu timieme huru meta pirata yupiini katinayeitiamiki, meta naime tita mirexeiyani, metatsiere riwiyutsixi meta 'etiupetsixi teiteriyari katiniwata'aitiamiki.

⁴⁴ Matsi niuki hetsiana kaninuamiki tayeta miemete meta tau manatineika miemete mekani'atiriekuni mikiki kanikumunuaxiamiki, hiki waikawa ha'ati kanayeyemiki yuwairiyati muwaka'unaki meta muwakwiniki yumireme teiteri.

⁴⁵ Haramara meta witsimi'ane hiri mipatsie wahixiapa kanitayerimiki, peru mexi mana 'ukani, tukarieya kaneutiparimiki yapauka, xewiti hetsiena mitanuani pikayiwexiani.

12

'Imatirieka tukari

¹ » "Hiki Miyeri kaninuamiki,
ti'aitame mimariwe 'ateiterima wa'iwiyame.
Yapaimexia tukari 'uximatirika kanitixuaw-
erimiki,

hatsuaku mikatiywe hepai

nuiwarite memuyukama tsiepaititi.

'Ateiterima mekanitawikweitsitiriekuni,
xapatsie memaye'uxa kememitetetewa,

² meta kwiepa tumuanaritsata
mekananuku'uikuni
yumireti memukutsu,

miki hipati yuheyemeki 'amemu'uwani,
peru hipatita memitewiyatsitirieniki xeikia
meta memite'uka'eniwaniki waikawa
yuheyemeki.

³ Memitemaiwawe mepixawawatini
xawatiriya muyuawitsie miemeki,
kemi'ane yumireme teiteri memitewaruta'ikitia
tita mitiheitserie hepaitita
xurawetsixi wahapai meputimerikani
yuheyemeki.

4 »"Eki, Tanieri, 'iki 'awie ketineuti'uta meta xapa kenanutanama kepaukake tukari maye'ani, kariki yumireti mepeu'uwani metekuwautiweti waikawa metemaikuti".

5 »Ne, Tanieri, tawarita yuhutame teiteri nehixie nekaniwaruxeiya, xewiti hatetsita 'anataiye kaniutiwekaitini meta xewitita hatetsita 'anutaiye.

6 Miki xewiti mipai katiniutahiawe rinu kamixayari manakatikikai, haa heima muyewiekai: "¿Kepaimexia peuyewetse 'iki naiti miraye'aniki mitimamariwawe?"

7 »Ne nekanixeiya meta nekani'enieni tewi rinu kamixayari manakatiki, haa heima muyewiekai, yuheima yumamate hetseraxiaka hiki yakatiniyihiritiani kemi'ane mayeniye yuheyemeki hixie, mipai kaniutayini: "Haika wiyari heimana 'ataxewi metseri kaneuyewekani. 'Tki naiti katinaye'amiki kepauka teiteri memipatsie watirikariya tawariri mikaka'unarieni".

8 »Tsepa nemu'enakai miki tewi kemainekai, nepikaheiti'enietiya, 'ayumieme mipai nepitita'iwawiyaxi: "Neti'aitiwame, naiti 'iki ranuyeyayu ¿manatari ketiyini?"

9 Miki mipai kanetiniuta'eiya: "Tanieri, keneumieni heitseriemeki, 'iki naiti piranukanaka 'awie kepaukake tukari maye'ani.

10 Yumireti 'aixia mekani'itiariekuni meta mekanitaheitseritiariekuni, meta me'itiyati mekaniyuhayewakuni, peru 'axateyuruwamete yaxeikia 'axamekateniyuriekakuni. Miki nixewiti pikaretimaitiyani, peru memitemaiwawe naime mekatenetimaikuni.

¹¹ Kepauka mihayewarieni mawari xexuime tukaritsie mieme, kepauka hetsiena mieme pita tixaiti memiteyurieni 'axati'aneme katipatsiekame, xeimiriari heimana huta tsienituyari heimana nauka tewiyari heimana tamamata (1.290) tukari kananuyeyemiki.

¹² 'Aixia ke'itiarieka kemi'ane mita'ikwewani xeimiriari heimana haika tsienituyari heimana xeitewiyari heimana tamamata heimana 'auxiwi (1.335) tukari.

¹³ Peru 'eki, 'aheyemeki keneumieni kepaukake 'atukari maye'ani, hiki keneuka'uxipi, kepauka 'imatirieka tukari maye'ani pekananukukemiki pemitietuiriyarieniki tita pemira'iwaxi'».

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3